

摘藻堂四庫全書薈要

集部

欽定四庫全書薈要

御選古文淵鑒卷三十七目錄

唐

柳宗元

獻平淮夷雅表

駁復讐議

晉文公問守原議

與太學諸生書

答韋中立論師道書

與韓愈論史官書

段太尉逸事狀

封建論

守道論

南府君睢陽廟碑

箕子碑

陸文通先生墓表

裴瑾崇豐二陵集禮後序

柳宗直西漢文類序

嶺南節度使饗軍堂記

邠寧進奏院記

監祭使壁記

興州江運記

劍門銘



御選古文淵鑒卷三十七目錄

欽定四庫全書薈要卷一萬七千一百八十九

集部

御選古文淵鑒卷三十七

內閣學士兼禮部侍郎教習庶吉士

臣

徐乾學等奉

旨編注

唐

柳宗元

字子厚其先河東人後徙於吳貞元中第進士為監察御史裏行善王叔文坐貶永

州徙柳州卒

獻平淮夷雅表

頌聽國美之大典  
雅為上宏賡次之  
華得又次之如此  
其上乘也

卧子陳子龍曰  
子厚諸雅如金

臣宗元言臣負罪竄伏違尚書牋奏十有四年聖恩寬

宥命守遐壤

元和十年三月  
為柳州刺史

懷印曳紱有社有人臣宗

元誠感誠荷頓首頓首伏惟睿聖文武皇帝陛下天造

神斷克清大憝金鼓一動萬方畢臣太平之功中興之

德推校千古無所與讓因伏自忖度有方剛之力不得

備戎行致死命況今已無事思報國恩獨惟文章伏見

周宣王時稱中興其道彰大于後罕及然徵于詩大小

雅其選徒出狩則車攻吉日

皆小雅

命官分土則崧高韓

人化立巖巖龍  
鱗可與李華諸  
頌並為一代樂  
府

臣庶曰頌揚得  
體雅飭不浮詠  
誦一過可謂穆  
如清風

奕烝人

皆大雅烝人本作  
烝民避唐諱也

南征北伐則六月采芑

皆小雅

平淮夷則江漢常武

皆大雅

鏗鉤炳燿

鏗鉤鐘  
鼓聲

盪人耳目

故宣王之形容與其輔佐由今望之若神人然此無他

以雅故也臣伏見陛下自即位以來平夏州

永貞元年  
憲宗即位

楊惠琳反元和元年張承全斬惠琳

夷劒南

元和元年命  
將討誅劉闢

取江東

元和二年  
誅李

錡定河北

元和十年  
王承宗降

今又發自天衷克翦淮右

元和九年  
克蔡

州吳元

而大雅不作臣誠不佞然不勝憤踊伏以朝多

大臣不敢盡專數事謹撰平淮夷雅二篇雖不及尹吉

甫召穆公等

崧高烝民韓奕江漢尹吉甫所作常武召穆公所作

庶施諸後代有

以佐唐之光明謹昧死再拜以獻臣宗元誠恐誠懼頓

首頓首謹言

駁復讐議

天后時徐元慶復讐議者欲捨其罪左拾遺陳子昂議元慶宜伏國法然

後旌其閭墓時建其言宗元駁之

臣伏見天后時有同州下邳人徐元慶者父爽為縣尉

趙師韞所殺卒能手刃父讐束身歸罪

師韞為御史元慶變姓名於驛

家傭力久之師韞舍亭下元慶手刃之自因詣官

當時諫臣陳子昂建議誅之

挈出刑禮二字並提作有駁辨至為精核

西山真德秀曰  
退之亦有復讐  
之議終不若于  
厚此文明白痛  
快

東發黃震曰旌  
與誅莫得而並

而旌其間且請編之於令永為國典臣竊獨過之臣聞  
禮之大本以防亂也若曰無為賊虐凡為子者殺無赦  
刑之大本亦以防亂也若曰無為賊虐凡為治者殺無  
赦其本則合其用則異旌與誅莫得而並焉誅其可旌  
茲謂濫黷刑甚矣旌其可誅茲謂僭壞禮甚矣果以是  
示于天下傳於後代趨義者不知所向違害者不知所  
立以是為典可乎蓋聖人之制窮理以定賞罰本情以  
正褒貶統於一而已矣嚮使刺讞其誠偽考正其曲直

當考正其曲直  
所論甚精合與  
昌黎復讐議參  
看

荆川唐順之曰  
此等文字極謹

原始而求其端則刑禮之用判然離矣何者若元慶之

父不陷於公罪師韞之誅獨以其私怨奮其吏氣虐於

非辜州牧不知罪刑官不知問上下蒙冒籲號不聞而

元慶能以戴天為大耻枕戈為得禮

禮記父之讐不與共戴天又曰居父

母之仇如之何夫子曰寢苫枕干不仕勿與共天下也

處心積慮以衝讐人之胸

介然自克即死無憾是守禮而行義也執事者宜有慚

色將謝之不暇而又何誅焉其或元慶之父不免於罪

師韞之誅不愆於法是非死於吏也是死於法也法其

嚴無一字顛散  
理精而文工左  
氏國語之亞也

可讐乎讐天子之法而戕奉法之吏是悖驚而陵上也  
執而誅之所以正邦典而又何旌焉且其議曰人必有  
子子必有親親親相讐其亂誰救是惑於禮也甚矣禮  
之所謂讐者蓋其冤抑沉痛而號無告也非謂抵罪觸  
法陷於大戮而曰彼殺之我殺之不議曲直暴寡脇弱  
而已其非經背理不亦甚哉周禮調人掌司萬人之讐  
凡殺人而義者令勿讐讐之則死有反殺者邦國交讐  
之又安得親親相讐也春秋公羊傳曰父不受誅子復



讐可也

不受誅謂罪不當誅也

父受誅子復讐此推刃之道復讐

不除害

一往一來曰推刃不除害謂取讐身而已不得兼讐子

今若取之以斷兩

下相殺則合於禮矣且夫不忘讐孝也不愛死義也元  
慶既不越於禮服孝死義是必達禮而聞道者也夫達  
禮聞道之人豈其以王法為敵讐者哉議者反以為戮  
黷刑壞禮其不可以為典明矣請下臣議附於令有斷  
斯獄者不宜以前議從事謹議

晉文公問守原議

左傳僖公二十五年晉侯朝王王與之陽樊溫原攢茅之

聖義精嚴達調緊  
拔森然法戒之文

東發黃震曰原  
雖得人不當謀  
之寺人

田陽樊不服圍之出其民冬晉侯圍原原又  
不降命去之退一舍而原降晉侯問原守于  
寺人敫鞮對曰昔趙衰以壺  
餐從徑餒而勿食故使處原

晉文公既受原于王難其守問寺人敫鞮

敫音勃鞮音低

以畀

趙衰余謂守原政之大者也所以承天子樹霸功致命  
諸侯不宜謀及嬖近以忝王命而晉君擇大任不公議  
于朝而私議于宮不博謀于卿相而獨謀于寺人雖或  
衰之賢足以守國之政不為敗而賊賢失政之端由是  
滋矣況當其時不乏言議之臣乎狐偃為謀臣先軫將

聞脩王志堅曰  
趙衰為文公從  
亡之臣豈待人  
先容者問之數  
親而後畀正當  
時左右得人之  
一徵也子厚此  
篇有處時事借  
古人發議耳

即子陳子龍曰  
此子厚深痛於  
宦官之禍而為  
此論也當時任  
文之黨盡欲奪  
北衙之勢張南

中軍晉君疏而不咨外而不求乃卒定于內豎其可以  
為法乎且晉君將襲齊桓之業以翼天子乃大志也然  
而齊桓任管仲以興進豎刁以敗則獲原啟疆適其始  
政所以觀視諸侯也而乃背其所以興跡其所以敗然  
而能霸諸侯者以土則大以力則彊以義則天子之冊  
也誠畏之矣烏能得其心服哉其後景監得以相衛鞅  
景監秦孝公寵臣衛鞅因景監以見孝公弘石得以殺望之  
宣帝宦官弘恭石顯譖蕭望之  
始之者晉文公也嗚呼得賢臣以守大邑則問非失舉

衙之權但其行事跡安終以自敗然於國謀不可謂非正也

也蓋失問也然猶羞當時陷後代若此况于問與舉又

兩失者其何以救之哉余故著晉君之罪以附春秋許

世子止趙盾之義

趙穿弑靈公太史書曰趙盾弑其君許悼公疾飲太子之藥而卒太子奔

晉書曰許世子止弑其君

買○按唐自德宗懲朱泚之

亂以左右神策天威等軍

委官者主之置護軍中尉中

護軍分提禁兵威柄下

遷政在官人其視晉文問原守

於寺人尤甚宗元此議

雖論晉文之失其意實憫當時

官者之禍逮憲宗元和十

和十

五年而陳弘志之亂作

### 與太學諸生書

貞元十四年太學生薛約言事得罪謫連州陽城送之郊外帝

惡城黨有罪黜為道州刺史太學諸生

何蕃等詣闕請留宗元以此書勉之

詞旨雅暢中寓有  
好賢與善之意故  
倍覺惺惺可思

二十六日集賢殿正字柳宗元敬致尺牘太學諸生足  
下始朝廷用諫議大夫陽公為司業諸生陶煦醇懿熙  
然大洽于茲四祀而已詔書出為道州僕時通籍光範  
門就職書府聞之悒然不喜非特為諸生戚戚也乃僕  
亦失其師表而莫有所矜式焉既而署吏有傳致詔草  
者僕得觀之蓋主上知陽公甚熟嘉美顯寵勤至備厚  
乃知欲煩陽公宣風喬土覃布美化于黎獻也遂寬然  
少喜如獲慰薦于天子休命然而退自感悼幸生明聖

不諱之代不能布露所蓄論列大體聞于下執事冀少  
見採取而還陽公之南也翌日退自書府就車於司馬  
門外聞之于抱關掌管者道諸生愛慕陽公之德教不  
忍其去頓首西闕下懇悃至願乞留如故者百數十人  
輒用撫手喜甚震抃不寧不意古道復形于今僕嘗讀  
李元禮嵇叔夜傳觀其言太學生徒仰闕赴訴者僕謂  
訖千百年不可覩聞乃今日聞而覩之誠諸生見賜甚  
盛於戲始僕少時常有意遊太學受師說以植志持身

焉當時說者咸曰太學生聚為朋曹侮老慢賢有墮窳  
敗業而利口食者有崇飾惡言而肆鬪訟者有凌傲長  
上而誅罵有司者其退然自克特殊于衆人者無幾耳  
僕聞之恟駭怛悸良痛其遊聖人之門而衆為是嗒嗒  
也遂退託鄉閭家塾考厲志業過太學之門而不敢跼  
顧尚何能仰視其學徒者哉今乃奮志厲義出乎千百  
年之表何聞見之乖刺歟豈說者過也將亦時異人異  
無嚮時之桀害者耶其無乃陽公之漸漬導訓明效所

致乎。夫如是服聖人遺教居天子太學可無愧矣於戲

陽公有博厚恢弘之德能容善偽來者不拒曩聞有狂

惑小生

謂薛約也

依託門下或乃飛文陳愚醜行無賴而論

者以為言謂陽公過于納汙無人師之道是大不然仲

尼吾黨狂狷南郭獻譏

荀子南郭惠子問於子貢曰夫子之門何其雜也

曾參

徒七十二人致禍負芻孟軻館齋從者竊屨彼一聖兩

賢人繼為大儒然猶不免如之何其拒人也俞扁之門

不拒病夫

俞跗扁鵲古良醫

繩墨之側不拒枉材師儒之席不



拒曲士理固然也且陽公之在于朝四方聞風仰而尊之貪冒苟進邪薄之夫庶得少沮其志不遂其惡雖微師尹之位而人實具瞻焉與其宣風一方覃化一州其功之遠近又可量哉諸生之言非獨為已也於國體實甚宜願諸生勿得私之想復再上故少佐筆端耳勗此良志俾為史者有以紀述也努力多賀柳宗元白

太學生得

書守闕下數日為吏遮止不得上

答韋中立論師道書

新史年表云中立潭州刺史彪之孫

命意深厚不為苛  
激之音

東發黃震曰此  
書後段說為文  
之法極詳

辱書云欲相師僕道不篤業甚淺近環顧其中未見可  
師者雖嘗好言論為文章甚不自是也不意吾子自京  
師來蠻夷間乃幸見取僕自卜固無取假令有取亦不  
敢為人師為衆人師且不敢况敢為吾子師乎孟子稱  
人之患在好為人師由魏晉氏以下人益不事師今之  
世不聞有師有輒譁笈之以為狂人獨韓愈奮不顧流  
俗犯笑侮收召後學作師說因抗顏而為師世果羣怪  
聚罵指目牽引而增與為言詞愈以是得狂名居長安

炊不暇熟又挈挈而東如是者數矣屈子賦曰邑犬羣

吠吠所怪也僕往聞庸蜀之南恒雨少日日出則犬吠

余以為過言前六七年僕來南二年冬幸大雪踰嶺被

南越中數州數州之犬皆蒼黃吠噬狂走者累日至無

雪乃已然後始信前所聞者今韓愈既自以為蜀之日

而吾子又欲使吾為越之雪不以病乎非獨見病亦以

病吾子然雪與日豈有過哉顧吠者犬耳度今天下不

吠者幾人而誰敢銜怪于羣目以名聞取怒乎僕自謫

伯厚王應麟曰  
韓柳並稱而道  
不同韓作師說  
而柳不肖為師  
韓聞佛而柳謂  
佛與聖人合韓

謂史有人禍天  
刑而柳謂刑禍  
非所恐

鹿門茅坤曰子  
厚書中所論文  
章之指未敢必  
其盡能如所云  
要之亦本於鏡  
心研神者而後  
之為文者特路  
剽富者之金而  
以誇於天下曰  
吾且將賴矣何

過以來益少志慮居南中九年增脚氣病漸不喜鬧豈  
可使呶呶者早暮咈吾耳騷吾心則固僵仆煩憤愈不  
可過矣平居望外遭齒舌不少獨欠為人師耳抑又聞  
之古者重冠禮將以責成人之道是聖人所尤用心者  
也數百年來人不復行近有孫昌胤者獨發憤行之既  
成禮明日造朝至外廷薦笏言於卿士曰薦播也某子冠  
畢應之者咸憮然京兆尹鄭叔則怫然曳笏却立曰何  
預我耶廷中皆大笑天下不以非鄭尹而快孫子何哉

其不自量之甚也予故奮袂曰有志於文須本之六經以求聖人之道其庶焉顧

臣廷敬曰此書與退之與李翱書恭觀乃知韓柳用功得力處大特辯肆莽兀獨是篇中孟荀

獨為所不為也今之命師者大類此吾子行厚而辭深允所作皆恢恢然有古人形貌雖僕敢為師亦何所增加也假而以僕年先吾子聞道著書之日不後誠欲往來言所聞則僕固願悉陳中所得者吾子苟自擇之取某事去某事則可矣若定是非以教吾子僕材不足而又畏前所陳者其為不敢也決矣吾子前所欲見吾文既悉已陳之非以耀明于子聊欲以觀子氣色誠好惡何如也今書來言者皆大過吾子誠非佞譽誣諛之徒

莊老並舉類視  
雖所見未純同  
當節取其長

臣乾學曰於文  
章之根柢條葉  
數詞皆備上下  
千百年作者無  
能出其環中韓  
歐諸公皆好論  
文止自言其所  
得未若此之闕

直見愛甚故然耳始吾幼且少為文章以辭為工及長  
乃知文者以明道是固不苟為炳炳烺烺務采色夸聲  
音而以為能也凡吾所陳皆自謂近道而不知道之果  
近乎遠乎吾子好道而可我文或者其於道不遠矣故  
吾每為文章未嘗敢以輕心掉之懼其剽而不留也未  
嘗敢以怠心易之懼其弛而不嚴也未嘗敢以昏氣出  
之懼其昧沒而雜也未嘗敢以矜氣作之懼其偃蹇而  
驕也抑之欲其奧揚之欲其明疎之欲其通廉之欲其

節激而發之欲其清固而存之欲其重此吾所以羽翼  
夫道也本之書以求其質本之詩以求其恒本之禮以  
求其宜本之春秋以求其斷本之易以求其動此吾所  
以取道之原也叅之穀梁氏以厲其氣叅之孟荀以暢  
其支叅之莊老以肆其端叅之國語以博其趣叅之離  
騷以致其幽叅之太史以著其潔此吾所以旁推交通  
而以為之文也凡若此者果是耶非耶有取乎抑其無  
取乎吾子幸觀焉擇焉有餘以告焉苟亟來以廣是道

詞極雄辯理甚堅  
正

子不有得焉則我得矣又何以師云爾哉取其實而去  
其名無招越蜀吠怪而為外廷所笑則幸矣

與韓愈論史官書

元和八年愈為史館脩撰劉秀才作書勉之愈答書宗元

見愈書藁  
乃與愈書

前獲書言史事云具與劉秀才書

劉秀才或云名軻

及今乃見

書藁私心甚不喜與退之往年言史事甚大謬若書中

言退之不宜一日在館下安有探宰相意以為苟以史

榮一韓退之耶若果爾退之豈宜虛受宰相榮已而冒



居館下近密地食奉養役使掌故利紙筆為私書取以

供子弟費古之志於道者不宜若是

愈答劉秀才書云宰相哀其老窮齟

齟無所合猥言之上苟加一職榮之耳非必督責迫威令就功役也

且退之以為紀錄者

有刑禍避不肯就尤非也史以名為褒貶猶且恐懼不

敢為設使退之為御史中丞大夫其褒貶成敗人愈益

顯其宜恐懼尤大也則又將揚揚入臺府美食安坐行

呼唱于朝廷而已耶在御史猶爾設使退之為宰相生

殺出入升黜天下士其敵益衆則又將揚揚入政事堂

水心葉適曰令狐德棻在武德初便已建明脩史故貞觀中晉及南北諸書皆獲完具而李延壽又自為集史雖皆文字不

以望古人而成  
敗有考絕絕不  
失其補益於世  
多矣自北齊至  
隋詞學彙興太  
宗又置文學館  
收拾時彥名章  
俊筆相繼而起  
後世乃謂東漢  
以來道喪大敵  
房杜姚宋不能  
救而古大由韓  
愈始復振此論  
固不可易本朝  
繼之以歐王曾  
蘇然雖文詞為

美食安坐行呼唱於內庭外衢而已耶何以異不為史  
而榮其號利其祿者也又言不有人禍則有天刑若以  
罪夫前古之為史者然亦甚惑凡居其位思直其道道  
苟直雖死不可回也如回之莫若亟去其位孔子之困  
於魯衛陳宋蔡齊楚者其時暗諸侯不能以也其不遇  
而死不以作春秋故也當其時雖不作春秋孔子猶不  
遇而死也若周公史佚雖紀言書事猶遇且顯也又不  
得以春秋為孔子累范曄悖亂雖不為史其族亦赤

范曄

盛往往不過記  
叙銘論浮說開  
語而着實處反  
不逮唐人遠甚  
學者不可但隨  
聲唱和虛文無  
實終於斷喪而  
已

荆川唐順之曰  
提其原書辨處  
有顯有晦錯綜  
成文

刪衆家後漢書

司馬遷觸天子喜怒

司馬遷作史記遷盛稱李陵武帝以

以謀反族誅

遷欲沮貳師

班固作前漢書固僕罵洛陽令种競競怒以事捕固固死

下之蠶室

班固作前漢書固僕罵洛陽令种競競怒以事捕固固死

獄崔浩沽其直以鬪暴虜

崔浩作魏史立碑以彰直筆衆譖于魏太武帝被誅

非中道左丘明以疾盲出于不幸子夏不為史亦盲不

可以是以為戒其餘皆不出此是退之宜守中道不忘其

直無以他事自恐退之之恐唯在不直不得中道刑禍

非所恐也

以上皆愈書所稱引謂為史者不有人禍則有天刑不可不畏懼故宗元駁之凡言

二百年文武事多有誠如此者今退之曰我一人也何

能明則同職者又所云若是後來繼今者又所云若是

人人皆曰我一人則卒誰能記傳之耶

愈書云唐有天下二百年矣聖

君賢相相踵餘文武之士立功名者不可勝數豈一人卒卒能記而傳之耶

如退之但以所

聞知孜孜不敢怠同職者後來繼今者亦各以所聞知

孜孜不敢怠則庶幾不墮使卒有明也不然徒信人口

語每每異辭日以滋久則所云磊磊軒天地決必不沉

沒者且亂雜無可考非有志者所忍恣也

書又云聖唐鉅跡及賢士

禹脩方岳貢曰觀退之諫佛骨

大夫事皆磊落軒天地決不沉沒果有志豈當待人督責迫感然後為

之表論庭湊之  
辨必非怯於禍  
而不為者但以  
史緒紛難難於  
綜理故解諉而  
為是言而子厚  
折之可謂當其  
理矣

官守耶又凡鬼神事眇茫荒惑無可準明者所不道退  
之之智而猶懼於此今學如退之辭如退之慷慨自為  
正直行行焉如退之猶所云若是則唐之史述其卒無  
可託乎明天子賢宰相得史才如此而又不果甚可痛  
哉退之宜更思可為速為果卒以為恐懼不敢則一日  
可引去又何以云行且謀也書又云行且謀引去今當為而不為  
又誘館中他人及後生者此大惑已不勉已而欲勉人  
難矣哉

刻畫情事能使太尉鬚眉畢現與昌黎張中丞傳後叙工力悉敵

段太尉逸事狀

段太尉名秀實字成公此狀宗元元和九年在永州作

太尉始為涇州刺史時

涇州屬平涼府

汾陽王以副元帥居蒲

郭子儀為河中節度使河中蒲中也

王子晞為尚書領行營節度使

晞子儀弟

三子寓軍邠州

屬西安府

縱士卒無賴邠人偷嗜暴惡者卒以

貨竄名軍伍中則肆志吏不得問日羣行丐取於市不

嘩輒奮擊折人手足椎釜鬲甕盎盈道上把臂徐去至

撞殺孕婦人邠寧節度使白孝德以王故戚不敢言太

尉自州以狀白府願計事至則曰天子以生人分公理

東發黃震曰太尉逸事凡三文高事義曲盡其妙

公見人被暴害因怙然且大亂若何孝德曰願奉教太尉曰某為涇州甚適少事今不忍人無寇暴死以亂天子邊事公誠以都虞侯命某者能為公已亂使公之人不得害孝德曰幸甚如太尉請既署一月晞軍士十七人入市取酒又以刀刺酒翁壞釀器酒流溝中太尉列卒取十七人皆斷頭注槊上植市門外晞一營大譟盡甲孝德震恐召太尉曰將奈何太尉曰無傷也請辭於軍孝德使數十人從太尉太尉盡辭去解佩刀選老嫗

臣鴻緒曰直起  
直收峻峭簡嚴  
逼真史遂叙事  
文字

者一人持馬至晞門下甲者出太尉笑且入曰殺一老  
卒何甲也吾戴吾頭來矣甲者愕因諭曰尚書固負若  
屬耶副元帥固負若屬耶奈何欲以亂敗郭氏為白尚  
書出聽我言晞出見太尉太尉曰副元帥勲塞天地當  
務始終今尚書恣卒為暴暴且亂亂天子邊欲誰歸罪  
罪且及副元帥今邠人惡子弟以貨竄名軍籍中殺害  
如是不止幾日不大亂大亂由尚書出人皆曰尚書倚  
副元帥不戢士然則郭氏功名其與存者幾何言未畢



臣英曰叙太尉  
三事皆剛正慈  
仁詩所謂不畏  
強禦不侮寡  
者歟筆勢復陡  
健雄邁曲盡情  
事

晞再拜曰公幸教晞以道恩甚大願奉軍以從顧叱左  
右曰皆解甲散還大伍中敢譁者死太尉曰吾未晡食  
請假設草具既食曰吾疾作願留宿門下命持馬者去  
旦日來遂卧軍中晞不解衣戒候卒擊柝衛太尉旦俱  
至孝德所謝不能請改過邠州由是無禍先是太尉在  
涇州為營田官涇大將焦令謩取人田自占數十頃給  
與農曰且熟歸我半是歲大旱野無草農以告謩謩曰  
我知入數而已不知旱也督責益急且饑死無以償即

告太尉太尉判狀辭甚異使人求諭譙譙盛怒召農者  
曰我畏段某耶何敢言我取判鋪背上以大杖擊二十  
垂死輿來庭中太尉大泣曰乃我困汝即自取水洗去  
血裂裳衣瘡手注善藥且夕自哺農者然後食取騎馬  
賣市穀代償使勿知淮西寓軍帥尹少榮剛直士也入  
見譙大罵曰汝誠人耶涇州野如潁潁赤土也人且饑死而  
必得穀又用大杖擊無罪者段公仁信大人也而汝不  
知敬今段公唯一馬賤賣市穀入汝汝又取不耻凡為

人傲天災犯大人擊無罪者又取仁者穀使主人出無馬汝將何以視天地尚不愧奴隸耶譙雖暴抗然聞言則大愧流汗不能食曰吾終不可以見段公一夕自恨死及太尉自涇州以司農徵戒其族過岐朱泚韋致貨幣慎勿納及過泚固致大綾三百疋太尉壻韋晤堅拒不得命至都太尉怒曰果不用吾言晤謝曰處賤無以拒也太尉曰然終不以在吾第以如司農治事堂棲之梁木上泚反太尉終吏以告泚泚取視其故封識具存

博辨縱橫字字沉  
驚中閒錯舉秦漢  
唐之制引據甚精  
斷制甚確

# 封建論

之

唐興疏屬卑王至太宗時名臣共論封建事子厚深探其本據古驗今反覆論

天地果無初乎吾不得而知之也生人果有初乎吾不  
得而知之也然則孰為近曰有初為近孰明之由封建  
而明之也彼封建者更古聖王堯舜禹湯文武而莫能  
去之蓋非不欲去之也勢不可也勢之來其生人之初  
乎不初無以有封建封建非聖人意也彼其初與萬物  
皆生草木榛榛揚雄賦枳棘之榛榛鹿豕狴狴羣走貌人不能搏噬

水心葉適曰蘇氏謂柳宗元封建之論出而諸子之論皆廢雖聖人復起不能易然宗元言封建非聖人意也苟也觀易地上有水比先王以建萬國親諸侯書載萬邦義尤多聖人惟恐德

而且無毛羽莫克自奉自衛荀卿有言必將假物以為用者也夫假物者必爭爭而不已必就其能斷曲直者而聽命焉其智而明者所伏必衆告之以直而不改必痛之而後畏由是君長刑政生焉故近者聚而為羣羣之分其爭必大大而後有兵有德又有大者衆羣之長又就而聽命焉以安其屬於是有諸侯之列則其爭又有大者焉德又大者諸侯之列又就而聽命焉以安其封於是有方伯連帥之類

禮記十國以為連連有帥

則其爭又有大

不足以有諸侯  
更分別其意與  
勢而謂其不得  
已乎方堯舜三  
代時所謂建置  
其國家者皆天  
下之賢聖故臧  
文仲聞六墓滅  
謂臯陶庭堅不  
祀忽諸德之不  
建民之無援豈  
如漢唐以曜睞  
劍挺之臣青梁  
乳臭之子加諸  
億兆人之上哉  
自晉楚滅國最

者焉德又大者方伯連帥之類又就而聽命以安其人

然後天下會於一是故有里胥而後有縣大夫有縣大

夫而後有諸侯有諸侯而後有方伯連帥有方伯連帥

而後有天子自天子至於里胥其德在人者死必求其

嗣而奉之故封建非聖人意也勢也夫堯舜禹湯之事

遠矣及有周而甚詳周有天下裂土田而瓜分之鮑昭賦

瓜剖而豆分設五等邦羣后布履星羅左傳管仲對楚子曰

賜我先君履揚雄賦

渙若天星之羅四周於天下輪運而輻集合為朝覲會同離為

多已自別為郡  
縣至秦始盡空  
之天地霍然一  
變夫要古無封  
建之論因季斯  
不主後世之說  
方角立而宗元  
遂言公天下之  
端自秦始也

守臣扞城然而降于夷王害禮傷尊下堂而迎覲者歷

于宣王挾中興復古之德雄南征北伐之威卒不能定

魯侯之嗣

魯武公以二子括與戲見宣王王立戲仲山甫諫不聽後魯人殺戲而立括

陵夷

迄於幽厲王室東徙而自列為諸侯厥後問鼎之輕重

者有之

左傳宣公三年楚子觀兵於周疆問鼎之大小輕重

射王中肩者有之

左傳

桓公五年王以諸侯伐鄭鄭伯禦之射王中肩

伐凡伯誅萇弘者有之

春秋隱公七年

戎伐凡伯襄公三年趙鞅殺萇弘

天下乖盪無君君之心余以為周之

喪久矣徒建空名於公侯之上耳得非諸侯之盛強末

大不掉之咎歟遂判為十二

謂魯齊晉秦楚宋  
衛陳蔡曹鄭燕

合為七

國威分於陪臣之邦國殄於後封之秦則周之敗端其  
在乎此矣秦有天下裂都會而為之郡邑廢侯衛而為  
之守宰據天下之雄圖都六合之上游攝制四海運於  
掌握之內此其所以為得也不數載而天下大壞其有  
由矣亟役萬人暴其威刑竭其貨賄負鋤耰謫戍之徒  
圜視而合從大呼而成羣時則有叛人而無叛吏人怨  
於下而更畏於上天下相合殺守劫令而並起咎在人



怨非郡邑之制失也漢有天下矯秦之枉徇周之制剖

海內而立宗子封功臣數年之間奔命扶傷而不暇困

平城

高帝被圍平城七日

病流矢

高帝擊英布為流矢所中

陵遲不救者三代

後乃謀臣獻畫而離削自守矣然而封建之始郡國居

平時則有叛國而無叛郡秦制之得亦以明矣繼漢而

帝者雖百代可知也唐興制州邑立守宰此其所以為

宜也然猶桀猾時起虐害方域者失不在於州而在於

兵時則有叛將而無叛州州縣之設固不可革也或者

曰封建者必私其土子其人適其俗脩其理施化易也  
守宰者苟其心思遷其秩而已何能理乎余又非之周  
之事跡斷可見矣列侯驕盈黷貨事戎大凡亂國多理  
國寡侯伯不得變其政天子不得變其君私土子人者  
百不有一失在於制不在於政周事然也秦之事跡亦  
斷可見矣有理人之制而不委郡邑是矣有理人之臣  
而不使守宰是矣郡邑不得正其制守宰不得行其理  
酷刑苦役而萬人側目失在於政不在於制秦事然也

臣士奇曰事勢之流蓋亦運會使然封建之不可行於後世與并田之不可行於後世一也抑此文特窺其要

漢興天子之政行於郡不行於國制其守宰不制其侯

王侯王雖亂不可變也國人雖病不可除也及夫大逆

不道然後掩捕而遷之勒兵而夷之耳大逆未彰姦利

浚財怙勢作威大刻於民者無如之何及夫郡邑可謂

理且安矣何以言之且漢知孟舒於田叔

漢書文帝召田叔問曰公

知天下長者乎叔曰故雲中守孟舒長者也後召以為雲中太守

得魏尚於馮唐

漢文帝因

馮唐白魏尚功復以為雲中守

聞黃霸之明審

霸為潁川太守治為天下第一

覩汲黯

之簡靖

黯為淮陽太守治民好清淨

拜之可也復其位可也臥而委

之以輯一方可也有罪得以黜有能得以賞朝拜而不  
道夕斥之矣夕受而不法朝斥之矣設使漢室盡城邑  
而侯王之縱令其亂人戚之而已孟舒魏尚之術莫得  
而施黃霸汲黯之化莫得而行明謹而導之拜受而退  
已違矣下令而削之締交合從之謀周於同列則相顧  
裂眦勃然而起幸而不起則削其半削其半民猶瘁矣  
曷若舉而移之以全其人乎漢事然也今國家盡制郡  
邑連置守宰其不可變也固矣善制兵謹擇守則理平

矣或者又曰夏商周漢封建而延秦郡邑而促尤非所謂知理者也魏之承漢也封爵猶建晉之承魏也因循不革而二姓陵替不聞延祚今矯而變之垂二百祀大業彌固何繫於諸侯哉或者又以為殷周聖王也而不革其制固不當復議也是大不然夫殷周之不革者是不得已也蓋以諸侯歸殷者三千焉資以黜夏湯不得而廢歸周者八百焉資以勝殷武王不得而易徇之以為安仍之以為俗湯武之所不得已也夫不得已非公

之大者也私其力於已也私其衛於子孫也秦之所以  
革之者其為制公之大者也其情私也私其一已之威  
也私其盡臣畜於我也然而公天下之端自秦始皇天  
下之道理安斯得人者也使賢者居上不肖者居下而  
後可以理安今夫封建者繼世而理繼世而理者上果  
賢乎下果不肖乎則生人之理亂未可知也將欲利其  
社稷以一其人之視聽則又有世大夫世食祿邑以盡  
其封略聖賢生於其時亦無以立於天下封建者為之

也豈聖人之制使至於是乎吾固曰非聖人之意也勢也

守道論

左傳昭公二十年齊侯田于沛招虞人以弓不進曰昔先君之田也旃以招大

夫弓以招士皮冠以招虞人臣不敢進仲尼曰守道不如守官君子韙之

演述條達須知  
州文中又有此一  
種

或問曰守道不如守官何如對曰是非聖人之言傳之者誤也官也者道之器也離之非也未有守官而失道守道而失官之事者是固非聖人之言乃傳之者誤也夫皮冠者是虞人之物也物者道之準也守其物由其

西山真德秀曰  
易曰形而上者  
謂之道形而下  
者謂之器以一  
身言之四肢百  
骸形而下者也  
吾身所具之理  
即形而上者也  
推之事物亦莫  
不然自異端之  
學興於是指形  
器為相迹而索  
道於虛無元漠  
不可測知之域  
形而上下者始  
不相屬矣抑予

準而後其道存焉苟舍之是失道也凡聖人之所以為

經紀為名物無非道者命之曰官官是以行吾道云爾

是故立之君臣官府衣裳輿馬章綬之數會朝表著周

旋行列之等

左傳杜預注云朝內  
列位常處謂之表著

是道之所存也則又

示之典命書制符璽奏復之文參伍殷輔陪臺之役

周禮

設其參傳其伍陳其殷置其輔參謂卿三人伍謂大夫  
五人殷衆士輔府史庶人在官者陪臺者亦謂臣也

是道之所由也則又觀之以爵祿慶賞之美懲之以黜

遠鞭扑桔拳斬殺之慘

周禮上罪桔拳而桎桔手械拳  
兩手共械○拳居棟居玉二切



此論頗得道器  
不相離之意故  
取焉

是道之所行也故自天子至於庶民咸守其經分而無  
有失道者和之至也失其物去其準道從而喪矣易其  
小者而大者亦從而喪矣古者居其位思死其官可易  
而失之哉禮記曰道合則服從不可則去孟子曰有官  
守者不得其職則去然則失其道而居其官者古之人  
不與也是故在上不為抗在下不為損矢人者不為不  
仁函人者不為仁率其職思其局交相致以全其工也  
易位而處各安其分而道達於天下也且夫官所以行

以兩漢之健骨運  
六代之服詞

道也而曰守道不如守官蓋亦喪其本矣未有守官而失道守道而失官之事者也是非聖人之言傳之者誤也果矣

南府君睢陽廟碑

并序

急病讓夷義之先

國語臧文仲曰賢者急病讓夷夷平也

圖國忘死貞之

大利合而動乃市賈之相求恩加而感則報施之常道睢陽所以不陷王命橫絕凶威超千祀而挺生奮百代而特立者也時惟南公天與拳勇神資機智藝窮百中

豪出千人不遇興詞鬢龙眉之都尉

漢武帝至郎省見一即鬢眉皓白問

之對曰臣姓顏名馬三葉不

過上感其言擢為會稽都尉數奇見惜挫後臂之將軍

漢李廣後臂善射武帝以李廣數奇不令當

天寶末寇

單于注言廣命奇隻不偶也○奇居宜切

劇憑陵隳突河華天旋虧斗極之位地圮積狐狸之穴

親賢在庭子駿陳蕃以佐命

謂陳希烈等漢劉歆字子駿佐王莽為國師

元

老用武夷甫委師而勸進

謂哥舒翰等晉王衍為石勒所破勸勒稱尊號

惟公

與南陽張公巡高陽許公遠義氣懸合許謀大同

許大也說

東發黃震曰此碑記南霽雲也然一句一字始終屬對全似錦和未出時大體與子厚他文不

文云齊楚謂信曰許

誓鳩武旅以過橫潰裂裳而千里來應左袒

類當是少年作  
近世晦翁嘗以  
年考之乃子厚  
晚年作殆自慙  
以從俗耶

而一呼皆至柱厲不知而死難

列子柱厲叔事莒敖公自以為不知已去之海

上及公有難乃往死之曰以愧後世之人主不知其臣者也

狼蹕見黜而奔師

左傳文公

二年狼蹕為右先軫黜之狼蹕怒及彭衙既陳以其屬馳秦師死焉

忠謀朗然萬夫齊力

公以推讓且專奮擊為馬軍兵馬使出戰則羣校同強

入守而百雉齊固

城三堵為雉

初據雍丘謂非要害將保江

淮之臣庶通南北之奏復拔我義類扼於睢陽前後捕

斬要遮

要邀同

凶氣連沮漢兵已絕守疏勒而彌堅

後漢耿恭

據疏勒匈奴擁絕澗水救兵不至車師復叛恭守彌篤穿井而得水

虜騎雖強頓肝貽而

不進

宋文帝元嘉二十八年魏主攻盱眙輔國將軍臧質堅守三旬不拔

賊徒乃棄疾于

我悉衆合圍技雖窮于九攻

呂氏春秋公輸般設攻宋之械墨子設守宋之備公

輸般九攻之墨子九却之

志益專于三板

史記智伯率韓魏攻趙晉陽引汾水灌其城城不沒

者三板偃陽懸布之勁

左傳襄公十年晉伐偃陽主人懸布秦董父登之及堞而絕之隊則

又懸之蘇而復上者三板

汧城鑿穴之奇

潘岳馬汧督誅晉元康六年氐羌反時馬敦守汧城

羣臣四面攻城中鑿穴而處氐又掘地攻之敦以燬火薰之潛氐殲焉卒全汧城

息意牽羊羞

鄭師之大臨

臨哭也左傳宣公十二年楚子圍鄭國人

克之鄭伯肉袒牽羊以逆

甘心易子鄙宋臣之病告

左傳宣公十五年楚子圍宋

臣熙曰麗而不  
能解而能雅

華元夜入楚師登子反之牀曰寡  
君使元以病告曰敝邑易子而食諸侯環顧而莫救唐張

巡傳時賀蘭進明屯臨淮許叔  
冀尚衛次彭城皆觀望莫肯救國命阻絕而無歸張巡傳當

此時王命不復通巡設天子  
畫像率軍士朝之人盡泣以有盡之疲人敵無已之

強寇公乃躍馬潰圍馳出萬衆抵賀蘭進明乞師進明

乃張樂侑食以好聘待之公曰敝邑父子相食而君辱

以燕禮獨何心歟乃自噬其指曰噉此足矣遂慟哭而

返即死孤城首碎秦庭終惜無衣之賦左傳定公四年申包胥如秦乞

師秦哀公為賦無身離楚野徒傷帶劒之辭楚辭九歌國殤篇云

帶長劍兮挾秦弓  
首雖離兮心不懲  
至德二年十月城陷遇害無傳燹之

歎息

後漢傳燹為漢陽太守賊欲送燹歸鄉里燹歎曰吾行何之遂戰沒

有周苛之慷慨

漢高祖使周苛守滎陽項

羽生得苛苛罵羽羽烹之聞義能徙果其初心

賊欲降

應巡呼曰南八男兒死耳不可為不義屈

烈士抗詞痛

雲笑曰欲以有為也公有言雲敢不死

烈士抗詞痛

臧洪之同日

後漢袁紹執臧洪殺之陳邈曰寧與臧洪同日死遂見殺見者相謂曰如何一日戮

二烈直臣致憤惜蔡恭於累旬

梁武帝天監三年魏兵圍義陽蔡道恭禦之相

持百餘日道恭病卒詔曹景宗救援景宗不進義陽遂陷任昉彈景宗曰道恭云逝城守累旬景宗之存一朝

棄朝廷加贈特進揚州都督定功為第一等與張氏許

氏並立廟睢陽歲時致祭男在襁褓皆受顯秩賜之土

田葬刻鮑信之形

魏初平二年鮑信擊黃巾戰死求尸不能得乃刻木為信狀祭而哭焉

陵圖龐德之狀

魏龐德與關羽戰敗不降為羽所殺魏帝令於陵屋畫關羽戰克龐德憤怒于

禁降伏之狀

納官其子見勾踐之心

越語勾踐棲于會稽乃令于三軍曰孤子寡婦

疾疹貧病者納官其子

羽林字孤知孝武之志

前漢百官表武帝時從軍死事者之

子養羽林官教以五兵號羽林孤兒

舉門闕于周典

周禮司門凡財物犯禁者舉之以其財養

死政之老與其孤

徵印綬于漢儀王猷以光寵錫斯備於戲睢

陽之事不惟以能死為勇善守為功所以出奇以恥敵



立謹以怒寇

謹二音 謹勇也 勤

俾其專力于東南而去備于西

北力專則堅城必陷備去則天討可行是故即城陷之

辰為克敵之日世徒知力保于江淮而不知功靖乎醜

虜論者或未之思歟公諱霽雲字某范陽人有子曰承

嗣七歲為婺州別駕賜緋魚袋歷施涪

音浮

二州服忠思

孝無替負荷懼祠宇久遠德音不形願斷堅石假辭紀

美惟公信以許其友剛以固其志仁以殘其肌勇以振

其氣忠以摧其敵烈以死其事出乎內者合于貞行乎

外者貫于義是其所以奮百代而超千祀者矣其志不

亦宜乎廟貌斯存碑記攸託洛陽城下思鄉之夢儻來

後漢溫序為隗囂將所執不降而死光武命送喪到洛陽城旁為冢地長子壽為鄒平侯相夢序告之曰久客

思鄉里壽即棄官

乞歸葬帝許之

麒麟閣中即圖之詞可繼

前漢趙充國以功德

畫未央宮至成帝時西羌嘗有警上思將帥之臣召楊雄即充國圖畫而頌之

銘曰

貞以圖國義惟急病臨難忘身見危授命漢寵死事周

崇死政烈烈南公忠出其性控扼地利奮揚兵柄東護

吳楚西臨周鄭婪婪羣凶害氣彌盛長蛇封豕

封大

踴

躍不定屹彼睢陽制其要領橫潰不流疾風斯勁梯衝

外舞缶穴中傾

賊攻睢陽為雲梯置精兵其上推之臨城巡濬鑿三穴候梯將至一穴中出大

木鈎之一穴中出木柱之一穴中出鐵籠盛火焚之按

氏攻汧城鑿地道馬敦命穴坑浚塹寘壺鑄瓶瓶以

傾之將穿響作因以火鉗馬非艱公羊傳宣公十五年析

薰之傾伺也○五正切年鉗馬而秣之

骸猶競

華元告司馬子反曰析骸以費

浩浩烈士不聞濟師兵食殲焉

守逾三時公奮其勇單車載馳投軀無告噬指而歸力

窮就執猶抗其辭圭璧可碎堅貞不虧寇力東盡兇威

西慝孤城既拔渠魁受戮雷霆之誅由我而速巢穴之

立議奇而不輟於  
法有此識力始可  
以尚論古人

固由我而覆江漢淮湖羣生咸育倬焉勲烈孰與齊躅  
天子震悼陟是元功旌褒有嘉命秩斯崇位尊九牧禮  
視三公建茲祠宇式是形容牲牢伊碩黍稷伊豐虔虔  
孝嗣望慕無窮刊碑河澨萬古英風

箕子碑

箕子名胥餘食采  
于箕故曰箕子

凡大人之道有三一曰正蒙難二曰法授聖三曰化及  
民殷有仁人曰箕子實具茲道以立于世故孔子述六  
經之旨尤殷勤焉當紂之時大道悖亂天威之動不能

東發黃震曰子  
厚發明箕子之  
道善矣但恐不  
當於三人分輕  
重

戒聖人之言無所用進死以併命誠仁矣無益吾祀故  
不為委身以存祀誠仁矣與亡吾國故不忍具是二道  
有行之者矣是用保其明哲與之俯仰晦是謨範辱於  
囚奴

周書囚奴正士  
正士謂箕子也

昏而無邪隕而不息故在易曰箕

子之明夷正蒙難也

明夷卦六五箕子之明夷利貞夷  
傷也取日入地中明夷之義也

及天命既改生人以正乃出大法用為聖師周人得以  
序彝倫而立大典故在書曰以箕子歸作洪範法授聖  
人也及封朝鮮推道訓俗惟德無陋惟人無遠用廣殷

疊山謝枋得曰  
此等文章大地  
間不可多見惟  
杜牧之題項羽  
烏江廟詩有云  
江東子弟多豪  
俊卷土重來未  
可知二句得此  
妙致

祀俾夷為華化及民也

漢書地理志箕子去之朝鮮教其民以禮義田蠶織作

率

是大道藁于厥躬天地變化我得其正其大人歟於虘  
當其周時未至殷祀未殄比干已死微子已去向使紂  
惡未稔而自斃武庚念亂以圖存國無其人誰與興理  
是固人事之或然者也然則先生隱忍而為此其有志  
於斯乎唐某年作廟汲郡歲時致祀嘉先生獨列于易  
象作是頌云

蒙難以正授聖以謨宗祀用繁夷民其蘇憲憲大人顯

晦不渝聖人之仁道合隆汙明哲在躬不陋為奴冲讓  
居禮不盈稱孤高而無危卑不可踰非死非去有懷故  
都時詘而伸卒為世模易象是列文王為徒大明宣昭  
崇祀式孚古闕頌辭繼在後儒

陸文通先生墓表

文通先生名淳字元冲避憲宗諱改名質子厚此表作于

邠州○按質附韋執誼王叔文為給事中故唐書與執誼叔文同傳宗元自與質善持為褒美然史亦稱其能文聖人書通于後世其功蓋不可泯也

孔子作春秋千五百年以名為傳者五家今用其三焉

表章經學之文要  
須如此簡確

左氏公羊穀梁三傳故  
有鄒氏夾氏凡五家

秉觚牘焦思慮以為論注疏說

者百千人矣攻訐狠怒以辭氣相擊排昌沒者其為書  
處則充棟宇出則汗牛馬或合而隱或乖而顯後之學

者窮老盡氣左視右顧莫得而本則專其所學以訾其

所異黨枯竹

即竹簡

護朽骨以至於父子傷夷

劉向受穀梁春秋其

子歆見左氏傳大好數以難向向不能答

君臣詆悖者

後漢陳元疏曰陛下知丘明親受孔子而

公穀傳于後學故立左氏博士論者沈溺所習玩守舊聞左氏孤學少與遂為墨家所排

前世多有

之甚矣聖人之難知也有吳郡人陸先生質與其師友



天水啖助

助字叔佐趙州人

洎趙匡

匡字伯淳河東人

能知聖人之旨

臣廷敬曰首尾以春秋一事闡發乃文之特例而其渾淪滂魄淵古之氣蒸決肌髓固當雄視一世

故春秋之言及是而光明使庸人小童皆可積學以入聖人之道傳聖人之教是其德豈不侈大矣哉先生字某既讀書得制作之本而獲其師友于是合古今散同異聯之以言累之以文蓋講道者二十年書而志之者

又十餘年其事大備為春秋集注十篇辯疑七篇微指

二篇明章大中發露公器其道以生人為主以堯舜為

的包羅旁魄

封禪書旁魄四塞○魄步角切

膠輶下上

膠輶驅馳也

而不出

于正其法以文武為首以周公為翼揖讓升降好惡喜

怒而不過乎物既成以授世之聰明之士使陳而明之

故其書出焉而先生為巨儒用是為天子爭臣尚書郎

國子博士給事中皇太子侍讀皆得其道

質佐淮南節度陳少遊幕

府少遊薦之授左拾遺自給事中為太子侍讀刺二州守人知仁

質歷台信二州刺史永

貞年侍東宮言其所學為古君臣圖以獻而道達乎上

是歲嗣天子踐祚而理

謂憲宗即位

尊優師儒先生以疾聞

臨問加禮某月日終于京師某月日葬于某郡某里嗚

呼先生道之存也以書不及施于政道之行也以言不及覩其理門人世儒是以增慟將葬以先生為能文聖人之書通於後世遂相與謚曰文通先生後若干祀有學其書者過其墓哀其道之所由乃作石以表碣

裴瑾宗豐二陵集禮後序

子厚嘗為瑾誌其墓碣謂其撰宗豐二陵

集禮藏之南閣蓋如序所言云

傳曰詩書執禮禮不執則不行自開元制禮大臣諱避

去國恤章

開元禮一百五十卷獨無國恤篇

而山陵之禮遂無所執世

通篇惟用直叙此所謂淵雅之音固無須於抗陸也

之不學者乃妄取預凶事之說

左傳隱公元年預凶事非禮也

而大典

闕焉由是累聖山陵皆撫拾殘缺附比倫類已乃斥去

其後莫能徵永貞元和間

永貞順宗年號元和憲宗年號

天禍仍邁自

崇陵至於豐陵

德宗葬崇陵順宗葬豐陵

不能周歲司空杜公

杜黃裳

由太常相天下連為禮儀使擇其僚以備損益於是河

東裴瑾以太常丞隴西辛秘以博士用焉內之則攢塗

秘器象物之宜

攢積木以殯也秘器作棺象物塗車芻靈之屬

外之則復土斥

土因山之制

漢文紀張武為復土將軍穿壙下棺斥開也開土地為冢壙又文帝贊因其山不起

禹脩方岳貢曰  
其文質老不求  
媚於俗者

臣鴻緒曰山陵  
禮制見於周官  
甚詳開元諸臣  
從而諱之其陋  
已甚堯所撰禮  
得登於太常而  
子厚表章之可  
云卓識

墳上之則顧命典冊與文物以受萬國下之則制服節

文頒憲則以示四方由其肅恭禮無不備且苞并總統

千載之盈縮羅絡旁午百氏之異同搜剔剪截而畢得

其中顧問闕決而不悖於事議者以司空公得其人而

邦典不墜裴氏乃悉取其所判定及奏復於上辨列於

下聯百執事之儀以為崇豐二陵集禮藏之於太常書

閣君子以為愛禮而近古焉昔韋孟以詩禮傳楚而郊

廟之制卒正於玄成

韋孟五世孫玄成

鄭玄以箋注師漢而禪

臣英曰叙裴氏  
家學意重於愛  
禮近古柳文之  
極豐臆整嚴者

代之儀卒集於小同

鄭玄孫名小同

賈誼以經術起而嘉最好

學

賈誼孫名嘉

盧植以儒學用而譔為祭法

盧植五世孫譔

舊史咸

以為榮今裴氏太尉公以禮匡義嗣

瑾之高祖裴行儉

侍中公

以禮議封禪

曾祖光庭

祠部公以禮承大事

祖稹遷祠部員外郎

大理

公以禮輔東宮

父儼大卿

而瑾也以禮奉二陵又能成書

以充其闕其為愛禮近古也源遠乎哉瑾字封叔其伯

仲咸以文學顯於世

儼四子堅瑾填頃皆有文學

大理之兄正平節

公

稹子倩字容卿

以儀範成家道以文雅經邦正今相國郇公

其宗子也

倩子均字若齊

郇公以孝友勤勞揚於家邦遊其門

若聞韶獲入其廟如至鄒魯恩溢乎九族禮儀乎他門則封叔之習禮也其出於孝弟歟成書也其本於忠敬歟由於家而達於邦國其取榮於史氏也果矣

柳宗直西漢文類序

宗直子厚之從弟

此篇逼真西漢近古而尤壯麗殆子厚所以自狀其文品也

左右史混久矣言事駁亂尚書春秋之旨不立自左丘明傳孔氏太史公述歷古今合而為史記迄於今交錯相糺

即糾字

莫能離其說獨左氏國語紀言不叅於事戰

國策春秋後語

晉孔衍以戰國策所書為未盡善乃引太史公所記參其同異號春秋後語

頗本右史尚書之制然無古聖人蔚然之道大抵促數  
耗矣而後之文者寵之文之近古而尤壯麗莫若漢之  
西京班固書傳之吾嘗病其畔散不屬無以考其變欲  
采比義會年長疾作驚墮愈日甚未能勝也幸吾弟宗  
直愛古書樂而成之搜計磔裂擴撫融結

擴撫拾取也  
○擴俱運切

擴之石切離而同之與類推移不易時月而咸得從其條貫

森然炳然若開羣玉之府指揮聯累圭璋琮璜之狀各



鹿門茅坤曰覽  
子厚之所以序  
西漢而文章之  
旨亦可概見矣

有列位不失其叙雖第其價可也以文觀之則賦頌詩  
歌書奏詔策辨論之辭畢具以語觀之則右史紀言尚  
書戰國策成敗興壞之說大備無不苞也噫是可以為  
學者之端耶始吾少時有路子者自贊為是書吾嘉而  
叙其意而其書終莫能具卒侯宗直也故刪取其叙繫  
於左以為西漢文類首紀殷周之前其文簡而野魏晉  
以降則盪而靡得其中者漢氏漢氏之東則既衰矣當  
文帝時始得賈生明儒術武帝尤好焉而公孫弘董仲

臣士奇曰文體至西京始稱宏備為作者取則由其去古未遠推本經術不區區以文法為工也

舒司馬遷相如之徒作風雅益盛敷施天下自天子至公卿大夫士庶人咸通焉於是宣於詔策達於奏議諷於辭賦傳於歌謠由高帝迄於哀平王莽之誅四方之文章蓋爛然矣史臣班孟堅脩其書拔其尤者克於簡冊則二百三十年間列辟之達道名臣之大範賢能之志業黔黎之風美列焉若乃合其英精離其變通論次其叙位必俟學古者興行之唐興用文理貞元間德宗年號文章特盛本之三代浹於漢氏與之相準於是有能者

取孟堅書類其文次其先後為四十卷

嶺南節度使饗軍堂記

唐制嶺南為五府

謂廣州安南桂管邕管容管

府部州以十數其大

小之戎號令之用則聽於節度使焉其外大海多蠻夷

由流求訶陵

流求東夷訶陵南蠻也

西抵大夏康居

大夏康居西域二國名

環水而國以百數則統于押蕃舶使焉內之幅員萬里

以執秩拱稽

左傳僖公二十七年作執秩以正其官執秩主爵秩之官又吳語擁鐸拱稽拱執也

稽計兵名籍

時聽教命外之羈屬數萬里以譯言贊寶歲帥

雄深者其思理也  
整麗者其體製也  
復有一種俊邁之  
風骨旋轉於其間  
豈非傑構

鹿門茅坤曰嶺南節度使所領者重鎮所建饗軍堂之制亦宏敞而文亦稱

貢職合二使之重以治于廣州故賓軍之事宜無與校

大且賓有牲牢饗饋嘉樂好禮以同遠合疏軍有犒饋

宴饗勞旋勤歸以羣力一心於是治也開闕階序不可

與他邦類必厚棟大梁夷庭高門然後可以上克於揖

讓下周於步武今御史大夫扶風公廉廣州

元和八年御史大夫

扶風郡公馬總且專二使增德以來遠人申威以脩戎

政大饗宴合樂從其豐盈先是為堂於治城西北陬其

位公北向賓衆南向奏部伎於其西視泉池於其東隅

卧子陳子龍曰  
文如畫棟雕甍  
高牙大纛翼  
巖巖觀者殊視

與庠側庭廡下陋日未及晡則赫炎當日汗沚更起而  
禮莫克終故允大宴饗大賓旅則寓於外壘儀形不稱  
公於是始斥其制為堂南面橫八楹從十楹嚮之宴位  
化為東序西又如之其外更衣之次膳食之宇列觀以  
游目偶亭以展聲彌望極顧莫究其往泉池之舊增濬  
益植以暇以息如在林壑問工焉取則師輿是供問役  
焉取則蠻隸是徵問材焉取則隙宇是遷或益其闕伐  
山浮海農賈拱手張目視具乃十月甲子克成公命饗

臣廷敬曰崇閭  
之論妙於發端  
現傳之詞工於  
鋪叙詳而不煩  
質而能雅之又

於新堂幢牙茸燾

幢幡牙牙  
旗燾羽幢

金節析羽旂旗旗旒

周禮  
山國

用虎節澤國用龍節皆以金為之又軍吏載旗百官  
載旗又熊虎為旗鳥隼為旗全羽為旒析羽為旌

咸

飾於下鼓以鼗晉

周禮鼗鼓長八尺  
晉鼓長六尺六寸

金以鐸鏡公與監

軍使肅上賓延羣僚將校士吏咸次于位弁裳罰衣

弁

也書島夷卉服罰  
鐘類織毛謂之罰

胡夷蜚蜚睢盱就列者千人以上劔

鼎體節

劔盛羹之器體謂  
全體節支節也

燔魚載炙

載大鬻炙炙肉○  
載側更切炙之夜

切羽鱗狸互之物

周禮鼈人所掌互物  
龜鼈之屬狸伏於泥中者

沉泛

醴盎之齊

周禮酒正五齊一曰泛齊二曰醴齊三曰盎  
齊四曰醴齊五曰沉齊○醴他禮切盎於浪

切齊才

均飫于卒士與王之舞

謂七德舞九功舞之類

服夷之伎

唐有西涼伎天竺伎龜茲伎安國伎疏勒伎康國伎之類

揅擊吹鼓之音

揅先結切吹尺瑞切

飛騰幻怪之容寰觀于遠邇禮成樂遍以叙而賀且曰

是邦臨護之大五人合之

嶺南節度兼五府討擊使

非是堂之制不

可以備物非公之德不可以容衆曠于往初肇自今茲

大和有人以觀遠方古之戎政其曷用加此華元名大

夫也殺羊而御者不及

左傳宣公三年華元殺羊食士其御羊斟不與

霍去病

良將軍也餘肉而士有饑色

霍去病為侍中貴不省士其從軍上為遣太官齎數

能於小中見大而  
體局弘敞詞亦足  
以配之

千乘既還重車餘棄  
梁肉而士有饑色  
猶克稱能以垂到今矧茲具美其  
道不廢願訪於金石以永示後祀遂相與來告且乞辭  
某讓不獲乃刻於茲石

### 邠寧進奏院記

凡諸侯述職之禮必有棟宇建於京師朝覲為脩容之  
地會計為交政之所其在周典則皆邑以具湯沐其在  
漢制則皆邸以奉朝請

邸朝宿之舍在京師者  
漢律春曰朝秋曰請

唐興因

之則皆院以備進奏政以之成禮於是具由舊章也皇



帝宅位十一載悼邊氓之未乂惡兇虜之猶阻博求羣

臣以朗寧王張公為能張獻甫俾其建節剖符守股肱之

郡統爪牙之職董制三軍撫柔萬人乃新斯院弘我舊

制高其閭闕壯其門閭以奉王制以脩古典至敬也以

尊朝覲以率貢職至忠也執忠與敬臣道畢矣公嘗鳴

珮執玉展禮天朝又嘗伐叛獲醜獻功魏闕其餘歸時

事脩常職賓屬受辭而來使旅賁奉章而上謁稽疑於

大宰質政於有司下及奔走之臣傳遽之後川流環運

禹脩方岳貢曰  
贊節度之政於  
天子之都宜其  
抑揚有體進退  
肅然

臣乾學曰朗寧  
功業在貞元間  
可稱節將記進  
奏院而推此發  
論立言有體

以達教令大凡展采於中都率由是焉

唐史獻甫以軍功誠光祿卿殿

中監從河中節度使賈耽討梁崇義有勞德宗西幸又  
從渾瑊討朱泚戰多累遷至金吾將軍檢校工部尚書

李懷光叛吐蕃盜邊獻甫領禁兵戍咸陽累年兵農悅安故領斯院者必獲歷閭闔

登太清仰萬乘之威而通內外之事王宮九關而不間

九關天門九重也

轅門十舍而如近斯乃軍府之要樞邠寧之

能政也惟公端明而厚溫裕而肅宏略特出大志高邁

施德下邑而黎人咸懷設險西陲而戎虜伏息

獻甫斷山峻塹

選巖要地築烽堡請復鹽州及洪門洛原鎮屯兵詔可  
遂遣兵馬使魏光逐吐蕃築鹽夏二城虜衆畏不敢入

寇茂功溢於太常盛烈動於人聽則斯院之設乃他政之末者也贊公於他政之末故詞不周德稱公於天子之都故禮不稱位斯古道也貞元十二年十月六日河東柳宗元為記

監祭使壁記

用筆謹嚴造言典重始終以敬字結尤為扼要

禮檀弓曰祭禮與其敬不足而禮有餘也不若禮不足而敬有餘也是必禮與敬皆足而後祭之義行焉周禮祭僕視祭祀有司百官之戒具誅其不敬者漢以侍御

臣杜訥曰首撫  
經語豎義森發  
篇中鋪陳詳核  
結束整嚴文之  
極有矩度者

史監祠唐開元禮凡大祠若干中祠若干咸以御史監

視祠官有不如儀者以聞其刻印移書則曰監祭使寶

應中

肅宗  
年號

尤異其禮更號祠祭使俄復其初又凡制供

祠之吏雖當齋戒得以決罰由是禮與敬無不足者聖

人之於祭祀非必神之也蓋亦附之教焉事於天地示

有尊也不肅則無以教敬事於宗廟示廣孝也不肅則

無以教愛事於有功烈者示報德也不肅則無以勸善

凡肅之道自法制始奉法守制由御史出者也故將有

事焉則祠部上其日吏部上其官奉制書以來告然後

頒於有司以謹百事太常脩其禮光祿合其物百工之

役先一日咸至於祠而考閱焉御史會公卿有司執簡

而臨之故其粢盛牲牢酒醴菜果之饌必實于庖廚鐘

鼓笙竽琴瑟夏擊之樂篳篥綴兆之數

懸鼓者橫曰篳  
縱曰篥綴謂舞

者行列連綴兆  
謂位外之營兆

必具於庭內樽彝罍洗

音

俎豆醢音竿之

器必絜於壇堂之上奉奠之士贊禮之童樂工舞師洎

執役而衛者咸引數其實設簋扑於堂下以脩官刑而

羣吏莫敢不備物羅奏牘於几上以嚴天憲而衆官莫敢不盡誠而祭之日先升立於西階之上以待卒事其禮之周旋樂之節奏必周知之退而視其燔燎瘞埋終之以敬也居常則飭四方祀貢之物以時登於王府服器之脩具祠宇之繕理牛羊毛滌之節三宮御廩之實穀梁桓十四年甸粟而納之

三宮三宮米而藏之御廩

畢備而聽命焉舊以監察

御史之長居是職貞元十九年十二月御史多缺予班在三人之下進而領焉明年中山劉禹錫始復舊制由

禮與敬以臨其人而官事益理制令不宜於時者必復於上革而正之於是始為記求簿書得為是職者若干人書焉

興州江運記

江嘉陵江也在漢中府鳳縣北

御史大夫嚴公牧於梁

貞元十五年興州刺史嚴礪兼御史大夫為山南西道節度使

五年嗣天子

順宗也

舉周漢進律增秩之典

王制有功於民者加地

進律律法也謂法度諸事如上公九命冕服九章建常九旂之等是也漢書宣帝時二千石有治理效輒增秩

賜以親諸侯謂公有功德理行就加禮部尚書是年四

敘述議論皆以典  
奧出之可謂壁壘  
森嚴神采煥發

聞公徐乎遠曰  
能知地利遠近  
讀其文可考其  
績不徒以頌德  
為工

月使中謁者來錫公命賓僚吏屬將校卒士鰲老童孺  
填溢公門舞躍歡呼願建碑紀德垂億萬祀公固不許  
而相與怨咨遑遑如不飲食於是西鄙之人密以刊山  
導江之事願刻巖石曰維梁之西其蔽曰某山其守曰  
興州興州之西為戎居歲備亭障實以精卒以道之險  
隘兵困于食守用不固公患之曰吾嘗為興州凡其土  
人之故吾能知之自長舉北至於青泥山又西抵于成  
州過栗亭川踰寶井堡崖谷峻隘十里百折負重而上



若蹈利刃盛秋水潦窮冬雨雪深泥積水相輔為害顛

踣騰藉

踣音匍

血流棧道糗糧芻藁填谷委山馬牛羣畜

相藉物故餽夫畢力

野饋曰餽音運

守卒延頸嗷嗷之聲其

可哀也若是者綿三百里而餘自長舉而西

屬鞬昌府

可以

導江而下二百里而至昔之人莫得知也吾受命於君

而育斯人其可已乎乃出軍府之幣以備器用即山僦

功由是轉巨石仆大木焚以炎火沃以食醢摧其堅剛

化為灰燼畚鍤之下易甚朽壤

新史地理志興州長舉縣元和中節度使嚴礪

臣士奇曰邦渚  
枋頭皆為軍興  
計然不過相度  
水流回勢利導  
而已此役鑿山  
焚林引江二百  
里較為尤難欲  
興利者不得憚  
勞權其輕重有  
所必為也

自縣而西疏嘉陵江二百里焚巨石  
沃醢以碎之通溝以饋成州成兵

乃闢乃壑乃宣乃

理隨山之曲直以休人力順地之高下以殺湍悍厥功

既成咸如其素於是決去壅土疏導江濤萬夫呼拊莫

不如志雷騰雲奔百里一瞬既會既遠淡為安流烝徒

謳歌

詩烝徒楫之烝衆也

枕臥而至成人無虞專力待寇惟我公

之功疇可侔也而無以酬德致其大願又不可得命矧

公之始來屬當惡歲府庾甚虛器備甚殫饑饉昏札

左傳

昭公十九年注天死曰札小死徙克路賴公節用愛人  
疫曰瘥短折曰夭未名曰昏

克安而生老窮有養幼乳以遂不問不使咸得其志公  
命鼓鑄庫有利兵公命屯田師有餘糧選徒練旅有衆  
孔武平刑議獄有衆不黷增石為防膏我稻梁歲無凶  
災家有積倉傳館是飾旅忘其歸杠梁以成人不履危  
若是者皆以戎隙帥士而為之不出四方之力而百役  
已就且我西鄙之職官故不能具舉惟公和恒直方廉  
毅信讓敦尚儒學揖損貴位率忠與仁以厚其誠有可  
以安利於人者行之堅勇不俟終日其興功濟物宜如

此其大也昔之為國者惟水事為重故有障大澤勤其

官而受封國者矣

左傳昭公元年臺駘宣汾洺障大澤帝用嘉之封諸汾川禮記祭法篇冥

勤其官而水死

西門遺利史起興歎

前漢溝洫志史起曰鄴田惡漳水在其旁西門豹不

知用是不智也

白圭壑鄰孟子不與公能夷險休勞以惠萬代

其功烈尤章章焉不可蓋也是用假辭謁工勒而存之

用永憲於後祀

劍門銘

并序。一統志大劍山在四川劍州張載劍閣記即此又名劍門山

惟蜀都重險多貨混同戎蠻人尤俗剽

也

嗜為寇亂

不作紫紆之勢而自然矯拔錄此以

皇帝元年八月帥喪衆暴

永貞元年八月劍南西川節度使韋臯卒

羣疑不

制妖孽煽行怙恃富强滔天阻兵

書象恭滔天左傳阻兵安忍臯既卒度支

副使劉闢自為留後諷諸將

徵旄節時帝即位欲靜鎮

四方即拜檢校工部尚書西川節度使闢

益驚塞吐不

臣語求攻陷他部北包劍門

闢欲以所善盧文若節度東川即以兵取梓州憑

負丘陵以張鷟猛堅利鋒鏑以拒大順謂雷霆之誅莫

已加也惟梁守臣禮部尚書嚴公

蜀為古梁州之地故謂嚴礪為梁守臣

以國害為私讐以天討為已任

宰相杜黃裳薦神策軍使高崇文勇略可用元

和元年正月以崇文為行營節度使將步騎五千為前鋒率京西兵馬使李元奕東川節度使李康山南西道

卧子陳子龍曰  
孟陽垂戒之文  
此是銘功之作  
雄雅不同各有  
其體

節度使嚴  
礪同討聞

推仁仗信不待司使而人致其命立義抗憤

不待喋血而士一其心悉師出次祇俟明詔凡諸侯之

師必出于是儲侍饗賚

侍直里切

取其豐穰乃遣前軍嚴秦

奉揚王誅誕告南土十一月右師逾利州蹈寇地乘山

斬虜以遏奔衝左師出於劍門大攘頑嚚諭引劫脅蟻

潰鼠駭險無以固收奪利地以湏王師

礪命嚴秦自漢原至神泉凡數

十合下劍門覆盪口收劍州破契丹命

剗剗腎腸

剗剗也剗

裨將可提彌珠斬虜之特將文昭德

剗振拔根柢俾無以肆毒用集我勲力贅鼓一振

周禮以贅

臣英曰詞既炳  
煥銘亦適古

鼓鼓軍。

元戎啓行

詩元戎十乘以先啓行

取其渠魁以為大戮

九月崇文克成都擒闢送長安

由公忠勇憤排授任堅明謀猷弘長用

能啓闢險阨夷為大塗消沮害氣對乎天意帝用休嘉

議功居首增秩師長

傳云劉闢反以礪儲備有素檢校尚書左僕射

進為大藩

宅是南服

十月以礪為東川節度

將校羣吏願刊山石昭著公之

功垂號無窮銘曰

井絡坤垠

蜀在星分野為井絡在卦為坤維河圖括地象曰岷山之地土為井絡

時惟外

區

張載劔閣銘云荆茲狹隘土之外區外區謂在區域之外

界山為門環於蜀都叢

險積貨混并羗髥

書牧誓及庸蜀羗髥微盧彭濮人八國皆戎狄屬羗在西蜀髥在巴蜀。

髥音牙

狂狷窺隙狺狺嘯呼

狺狺犬吠聲楚詞猛犬狺狺。狺魚斤切。

憑據勢

勝厚其兇徒皇帝之仁宥而不誅暴非德馴害及巴渝

巴渝在唐屬劍南道

乃出王旅乃咨列獄牧臣司梁

即嚴礪

當其要

束器備攸積糗糧是蓄

書費誓峙乃糗糧糗乾飯

人無增賦師以饒

足喋血誓士玄機在握分命貔貅陳為犄角

左傳譬如捕鹿晉人

犄之諸戎角之犄偏引也。居犄切。

右逾岷山左直劍門攻出九地

孫子云善

守者藏於九地之下善攻者動乎九天之上

上披重雲攀天蹈空夷視阻艱



破裂層壘殄殲羣頑內獲固圉

左傳亦聊以固吾圉也

外臨平原

天兵徐驅卒乘嘽嘽

詩王旅嘽嘽嘽嘽衆也○嘽他丹切

大憖囚戮

大憖謂闢

也書元惡大憖○憖徒對切

戎夏咸歡帝圖厥功惟梁是先開國進

位南服于藩邦之清夷人以完安銘功鑒亂永代是觀

按宋臣歐陽脩曰唐有天下文章無慮三變太祖太宗時仍江左餘風則王楊為之伯明皇好經術崇雅黜浮則燕許擅其宗大厯貞元間韓愈倡之柳宗元李翱皇甫湜等和之排逐百家法度森嚴抵轢晉魏上軌周漢完然為一王法此其極也今於燕許諸家各存一二以備當時之體其他雕琢藻繪窮妍盡致之作則載入別集而韓愈之文采錄為獨多昔愈之門人李漢編錄愈集言文者貫道之器而宋儒亦稱愈為因文見道者蓋

自愈以後士始知以道德仁義為文章之旨歸易詩書  
禮春秋為文章之根柢無論翔與澁皆受其陶冶而成  
即宗元且力與角而卒莫出其範圍也要之宗元視愈  
伯仲之間而翔與澁之徒若附庸焉有唐一代之文源  
流正變不外是矣



御選古文淵鑒卷三十七



總校官庶吉士臣張能照

校對官學正臣吳垣

膳錄監生臣劉廷勳

欽定四庫全書薈要

集部

御選古文淵鑒卷三十八

欽定四庫全書薈要

御選古文淵鑒卷三十八目錄

唐



白居易

初授拾遺獻書

授孔戣右散騎常侍制

授鄭覃給事中制

元稹

獻事表

論諫職表

與韓愈書

劉禹錫

許州文宣王新廟碑

李翱

論事疏四篇

復性書

平賦書序

上宰相書

答進士朱載言書

楊烈婦傳

高愍女碑

田弘正

謝賜節鉞表

呂溫



功臣恕死議

張荊州畫贊

皇甫湜

論進奉書

故吏部侍郎昌黎韓先生墓誌銘并序

舒元興

上論貢士書

李漢

韓愈文集序

歐陽詹

太學張博士講禮記記

御選古文淵鑒卷三十八目錄

欽定四庫全書薈要卷一萬七千一百九十一集部

御選古文淵鑒卷三十八

內閣學士兼禮部侍郎教習庶吉士

臣

徐乾學等奉

旨編注

唐

白居易

字樂天其先太原人徙下邳貞元中進士  
元和中召入為翰林學士遷左拾遺會昌

初以刑部尚書致仕  
卒贈尚書右僕射

初授拾遺獻書

婉異而多風納約  
自肅之義也

禹脩方岳貢曰  
以翰林學士庶  
諫官故憲宗之  
時謀猷獻替如  
李絳崔羣居易  
極得其用

臣謹按六典

唐六典三十卷唐明皇撰列職司官佐叙其秩品以擬周禮

左右拾遺

掌供奉諷諫凡發令舉事有不便於時不合於道者小

則上封大則廷諍其選甚重其秩甚卑

唐百官志左拾遺從八品所

以然者抑有由也大凡人之情位高則惜其位身貴則

愛其身惜位則偷合而不言愛身則苟容而不諫此必

然之理也故拾遺之置所以卑其秩者使位未足惜身

未足愛也所以重其選者使上不忍負恩下不忍負心

也夫位未足惜恩不忍負然後能有闕必規有違必諫

臣熙曰有官守則盡其職有言責則盡其言如此則朝無曠官官無廢事矣文特婉而多風自

朝廷得失無不察天下利病無不言此國朝置拾遺之

本意也由是而言豈小臣愚劣昧懦所宜居之哉况臣

本鄉里監儒府縣走吏

本傳元和元年對制策乙等調整厓尉

委心泥滓

絕望烟霄豈意聖慈擢居近職

元年召入翰林為學士

每宴飲無

不先及每慶賜無不先霑中廐之馬代其勞內廚之饌

給其食朝慙夕惕已逾半年塵曠漸深憂愧彌劇未申

微効又擢清班臣所以授官以來僅經十日食不知味

寢不遑安唯思粉身以答殊寵但未獲粉身之所耳今

陛下肇建皇極初受鴻名

元和三年羣臣上憲宗尊號曰睿聖文武皇帝

夙夜

憂勤以求致理每施一政舉一事無不合於道便於時  
故天下之心顙顙然日有望於太平也然而今而後萬  
一事有不便於時者陛下豈不欲聞之乎萬一政有不  
合於道者陛下豈不欲革之乎倘陛下言動之際詔令  
之間小有遺闕稍闕損益臣必密陳所見潛獻所聞但  
在聖心裁斷而已臣又職在中禁不同外司欲竭愚衷  
合先陳露伏希天鑒深察赤誠無任感恩欲報懇款屏

辭甚圖美

營之至謹言

授孔戣右散騎常侍制

孔戣字君嚴登進士第憲宗元和初為諫議大

夫歷嶺南節度使敬宗即位召為吏部侍郎改右散騎常侍

勅昔齊桓公心體懈墮則隰朋侍

隰朋才亞管夷吾桓公問誰可繼仲父者

仲曰隰朋可

漢成帝親重儒術則劉向從

本傳成帝即位顯等伏辜向復進用

以故九卿名拜郎中使遷光祿大夫上方精於詩書觀古文詔向領校中五經祕書

今之常侍是

其任矣中吾選者莫匪正人大中大夫守尚書吏部侍

郎上柱國賜紫金魚袋孔戣言行謹直風操端莊肅然



禮容清廟之器始自筮仕至於天官虛舟為心

莊子方舟濟河

有虛船來觸舟雖  
褊心之人不怒

利刃在手全材具美時論多之可使

珥貂立於左右

輿服志侍中中書  
令加貂蟬佩紫綬

從容侍從以備顧問

隰朋劉向豈遠乎哉可右散騎常侍

授鄭覃給事中制

鄭覃故相珣瑜子穆宗長慶  
元年由諫議大夫轉給事中

勅給事中之職

唐志給事中正五品位次門下  
侍郎掌陪侍左右分判省事

凡制勅

有未便於時者得封奏之刑獄有未合於理者得駁正  
之天下寃滯無告者得與御史糾理之有司選補不當

禹脩方岳貢曰  
舉職以告有合  
典則

者得與侍中裁退之率是而行號為稱職故不專於掌

侍奉讚詔令而已中大夫行諫議大夫雲騎尉榮陽縣

開國男食邑三百戶鄭覃清節直行正色審詞先臣之

風藹然猶在

先臣指其父珣瑜也珣瑜性嚴重人不敢干以私

自居首諫益勵

謇諤

覃為諫議時憲宗用內官為京西北和羅使覃上疏論罷穆宗即位不恤政事喜游宴覃廷奏抗論

人皆相賀

擢領是職必有可觀亦欲天下聞之知吾獎骨鯁

之臣來諫諍之道也可行給事中散官勲如故

元稹

字微之河南人元和初舉制科對策第一拜右拾遺後為相三月而罷以武昌節度使卒

機理滌暢不事雕  
續唐文之又一格  
也

金定四庫全書  
卷三十八  
獻事表

積為拾遺時自以職諫諍  
不得數召見乃上疏云

臣聞理亂之始各有萌象二者無門在君上啓之而已  
所謂萌象豈有他哉容直言廣視聽躬勤庶務委信大  
臣使左右近習者不敢蔽疏遠之臣庶此理之象也此  
而不理萬無一焉大臣不親直言不進抵忌諱者殺犯  
左右者刑與一二近習者決事於深宮之中羣臣莫得  
參籌畫此亂之萌也此而不亂亦萬無一焉是以古者  
人君即位之始萌象未見之時必有狂直敢言之士抵

禹脩方岳貢曰  
微之少年好以

忌諱獻危言在上者苟或宥而容之激而進之則天下  
之君子望風而悅曰彼之狂而猶容於上上之人其欲  
來天下之士乎吾之道可以行矣其小人擇利而言曰  
彼之直可以得幸於上吾將直言以徼利可也繇是天  
下之賢不肖各以所忠貢言於上上下下之志霈然而通  
得失之情幽遠必達合天下之智理萬物之心人人樂  
得其所戴其上如赤子之親慈母也雖欲誘之為亂其  
可得乎臣故曰容直言廣視聽而不理者萬無一焉及

直言極諫自負  
礪其鋒銳欲一  
見於明主也如  
此

夫進計者入而不出直言者戮而不容則天下之君子  
自謀於心曰與其言且不用而身為戮吾寧危行言遜  
以保其終乎其小人擇利而言曰君之所惡者拂心逆  
耳之言也吾將苟順是非以事之可也繇是進見者格  
而不內言事者寢而不聞若此則十步之事不得見也  
朝廷之情不得聞也而况於天下之大四方之遠乎故  
曰聾瞽之君非無耳目也蓋左右前後者屏蔽之不使  
視聽爾此而不亂其可得哉昔太宗文皇初即位時天

下之大莫有諫者唯孫伏伽嘗以小事特諫於上

貞觀元年

太宗嘗馬射伏伽上書諫

文皇帝大悅厚賜田宅以勉之自是言事

者惟懼乎言不直諫不極不能激文皇之盛意曾不以

觸龍鱗

韓非傳龍喉下有逆鱗徑尺嬰之必殺人人主亦有逆鱗

犯忌諱為不可矣

於是房杜王魏之徒

房喬杜如晦王珪魏徵

議可否於前天下四

方之人言得失於外不四三年而天下大理豈文皇獨

運聰明於上哉蓋亦羣下各盡其言以宣揚發暢於天

下也且夫樂全安而惡殘辱古今之情一也豈獨貞觀

臣廷敬曰意必懇到詞必朗暢反復委曲至磨竭所懷而止蓋自賈長沙獻策而已然其中間援引文皇歸過臣下尤立言有

之人輕犯忌諱而好戮辱哉蓋文皇激而進之之功也  
喜順從而怒謬犯亦古今之情一也豈獨文皇甘逆耳  
而怒從心哉蓋以順從之利輕而危亡之禍大無窮之  
業重而奉已之事微思為子孫垂不朽建永安之計也  
為後嗣者其可順一朝之意而輕用文皇之天下乎累  
聖傳序於今垂二百年矣莫不率繇斯道致俗和平況  
陛下以上聖之資紹復前統即位之日天下維新罪叔  
文之徒而凶邪之黨散

順宗永貞元年憲宗立即貶王叔文渝州司戶其黨韓泰等皆

貶懸惠琳之首而悖亂之氣消

韓全義入朝以其甥楊惠琳為留後杜黃裳以

全義無功驕蹇不遜直令致仕惠琳勒兵反衙將張承金討斬之傳首京師

發承光之詐而

假威之孽除反焦陂之田而蒸庶之情感其餘滌瑕緩

死薄賦恤人賜帛耆年旌閭孝悌修廢學建義倉莫不

曲被殊私覃於有截

覃及也商頌長發篇九有有截齊一來歸也

斯皆陛下

上法堯舜近法太宗致理之萌形見者數十豈臣庸劣

一二能明然而下臣竊復孜孜咄咄

咄嗟咨語也

有所未決

者獨以陛下即位已來既周歲矣百辟卿士至於天下



四方之人曾未有獻一計進一言受陛下伏伽之賞者  
左右前後拾遺補闕亦未有奏一封執一諫受陛下激  
而進之之勸者設諫鼓置匭函

匭匣也武后始置四匭於朝堂上表者投之

曾未聞雪一冤決一事明陛下無幽不察之意者若臣  
等備位諫列名為供奉官曠日彌年不得召見每就列  
位屏氣鞠躬不敢仰視又安暇議得失獻可否哉供奉  
官尚爾又況於踈遠之臣庶雖有特達不羣之智思欲  
自効其路何階遂使凡今之人以諫鼓匭函為虛器謂

拾遺補闕為冗員臣竊思之以陛下之睿博弘深勵精求理豈或入而不出言而不用哉蓋羣下因循不能有所發明之罪也且臣思之今之備召承顧問者獨一二執政而已每一對敷同揚不及俄頃之間議天下之事臣竊料之恭承聖問仰謝寵光之不暇又安暇陳理亂議教化哉其餘瑣瑣有司或時一名見言簿書之出入計錢穀之登降不暇又安足置牙齒間臣竊惟陛下以景命維新之初何如貞觀致理之後當貞觀致理之後以

房杜王魏匡輔之智而猶上封進計者薦至獻可替否者日聞今陛下當致理之初在四方多虞之日然而言事進計者終歲無一人豈非羣下因循竊位之罪乎若臣稔者稟性駑鈍昧然無識然以陛下臨御之始首陛下策賢之科

元和元年積應制舉居第一

擢授諫司恩萬常品若復

默默與在位者處則臣莫大之罪亦萬於常品矣輒敢冒昧殊死條奏十事於後一曰教太子以崇邦本二曰任諸王以固磐石三曰出宮人以消水旱四曰嫁諸女

文華清疏而意獨  
懸到

以遂人倫五曰無時召宰相以講庶政六曰序次對百  
辟以廣聰明七曰復正衙奏事以示躬親德宗貞元十  
八年罷正衙  
奏八曰許方幅糾彈以懾奸佞九曰禁非時貢獻以絕  
誅求十曰省出入畋遊以防銜廩凡此十者設使言之  
而是是而見用非臣之福也天下之福也苟或言之而  
非非而見罪乃臣之分也亦臣之願也

### 論諫職表

臣某言臣聞先王之制祿也居其位不行其職者誅是

以上無虛受下不隱情臣竊觀今時備位素餐不行其  
職者莫過於臣輩臣聞太宗文皇帝時以王珪魏徵為  
諫官文皇雖宴遊寢食之間王魏實在其所用至於文  
皇發一言則王魏詳之而後出舉一事則王魏慮之而  
後行以文皇之明合王魏之智是以舉無遺事言有典  
常文皇猶以為視聽未廣也因許三品以上入議軍國  
必遣諫官一人隨入以參驗之

貞觀元年制

當是之時耳目

股肱之任者有君臣之義焉有父母之恩焉有朋友之

卧子陳子龍曰  
設官隨宰相  
市此唐人之良  
法至今可行者  
也微之此說可  
謂不負設官矣

勸焉是否無不替

否不善也  
替廢也

可無不行不四三年而天

下大理蠻夷君長帶刀入侍者不可勝記豈干戈征伐

之所致蓋壅蔽之患銷而幽遠之情達也若此然後可

以稱天子之爭臣矣近之司諫爭者則不然大不得備

召見次不得參時政排行就列累累而已且臣聞之諫

臣之職曰左右前後拾遺補闕大則廷議小則上封近

年以來正衙不奏事庶臣罷廷對

德宗貞元十七年令  
常參官每日引見二

人訪以政事謂之巡對元

和元年武元衡奏罷之

若此則不見遺闕補拾何階

臣乾學曰微之初入仕以氣節自負元和元年任拾遺八十三日而貶河南尉表當是此時所上故其詞多關係風采

不得敷陳廷議安設其所謂舉諫職者唯獨誥令有不便除授有不當則奏一封執一見而已以此思之君臣之際論列是非諷諭未形籌畫於至密尚不能迴至尊之盛意備讒慝之巧言而況於既行之誥令已命之除授然後執一封奏一見而私欲收絃綸之詔

記曰王言如絲其出如綸

如迴日月之光信無裨於萬一矣至使凡今之人以上

封進計為妄動拾遺補闕為冗員此稱供奉官與王珪魏徵為等列臣雖至愚能不自愧且陛下若以為臣等

無所裨補不足叅侍從固不當假以名器立之於朝苟  
以為務廣聰明稍問理道又不宜屏棄疎賤之使至於  
此伏願陛下許臣於延英侯對召臣一見賜以溫顏使  
臣得盡愚懇之誠備陳諫官之職苟或言有所採得裨  
陛下萬分之一是臣千載之一時也如或言不詣理塵  
黷聖聰則臣自寘刑書寘與同以謝諫官之辜亦臣之所  
甘心也無任激切之至

與韓愈書



關幽之言足扶名教

郎中退之足下某與前襄州文學掾甄逢遊善逢故刑

部員外郎濟之子濟天寶中隱於衛之青巖山

按本傳甄濟字

孟城中山無極人家於衛州隱居青巖山中

人咸服其操行約不畋漁青巖山在淇縣採訪使苗

公

苗晉

等五人皆以狀薦凡十徵不起末以左拾遺就

拜之適祿山朝奏京城懇於上前求為賓介元宗可其

奏祿山還至衛遣太守鄭遵意詣山中致命輟行信宿

以俟之甄生慮不得免乃偽瘖其音復隱青巖

按本傳安祿山

表薦甄濟授誠大理評事充范陽節度掌書記

天寶末祿山有異志謀以智免以衛縣令齊玘誠信可託乃求

臣英曰述叙義烈以備博史冊謂發潛德之幽光甄生藉不朽

使至衛具以誠告偽嘔  
血疾不能支遂昇歸

踰年而祿山叛即日遣偽節度

使蔡希德緘刀逼召且曰或不可彊斬首來徇既而甄

生禁閉無言延頸承刃氣和色定若甘心然希德義而

捨之祿山亦終不能致慶緒繼逆虜而因之東都安國

觀代宗復洛

時代宗為大元帥郭子儀為副元帥肅宗至德元年冬克復洛陽安慶緒奔鄴甄

生臥匡牀詣元帥府至則號撲自治

撲擊也自治自責也代宗為

之動色遂命傳置長安肅宗高其行因授館於三司治

所令從賊官囚慙拜之受污者莫不俯伏仰歎時恨不

即死於其地且夫辯所從於居易之時

記曰居易以俟命

堅直

操於利仁之世

論語知者利仁

而猶徧淺選真者之所不為

選真

劣弱也

蓋怫人之心難而害已之避深也况乎天下亂矣

王澤竭矣死忠者不必顯從亂者不必誅而曰眷眷本

朝甘心白刃難矣哉是以治平則為公為卿為鴛為鷺

世亂則為蛇為豕為獍為鴞者十常八九焉若甄生冕

弁不加其身祿食不進其口於天寶末蓋青巖一男子

耳及亂則延頸承刃分死不回曰不以不顯而廢忠不

臣士奇曰甄君  
節義不減蓬蒿  
梅福當時傳詣  
長安未聞顯命  
表彰潛德實賴  
斯文

以不誅而從亂參合古今之士蓋萬一也某嘗讀注記

闕而未書謹備所聞蓋欲執事者編此義烈以永永於

來世耳子逢始生之歲顏太保真卿崔太傅祐甫皆為歌詩

以美賢者有後且序甄生之本末及逢既長畊先人舊

田於襄之宜城襄陽宜城縣讀書為文不詣州里歲饉則力

穡節用以給足於親族歲穰則施餘於其鄰里鄉黨之

不能自持者前後斥家財排患難於朋友者數四由是

以義聞襄之守狀為文學始就羈於吏職某聞風既久

因與之遊逢每寃其父之名不在於史將欲抱所寃詣  
京師告訴司史氏蓋行有日矣以愚料之甄生僕短馬  
疲言約行孤將不為驕閹之所排則權力者遲疑以臨  
之固無自而入矣因曉甄生以無自入之勢且告以執  
其事者辱與某遊願得所寃之狀告甄生厚相信待由  
是輟行既而自思滓賤之中猶願貢所聞於執事得非  
愚且僭也然謂笑之暇幸垂察焉不宣某再拜

劉禹錫

字夢得中山人擢進士登博學宏詞科工  
文章累官至集賢直學士以黨王叔文貶

朗州司馬

許州文宣王新廟碑

歲在丙辰元日開成

開成文宗年號

許州牧尚書杜公作文宣

王廟暨學舍於兌馬

兌西方之卦馬隅同作廟舍於城西隅也

謂革故而鼎

新也前年公受社與鉞董淮陽汝南之師

文宗太和八年授懷忠武

軍節度使陳許蔡觀察等使就加兵部尚書

八月上丁釋菜於宣父之室陋

宇荒堦不足廻旋已事而歎乃詢黃髮有鄉先生前致

辭曰自盜起幽陵

謂安祿山反幽燕

許為兵衝連戰交梓

梓梓杞以

古藻續紛極為雅

瞻

臣乾學曰不獨

語次怪奇而峻

潔處正復一字

不苟

柄入孔亦兵器也○梓存入聲

率無寧歲耳悅鉦鼓

鉦小雅采芑篇鉦人伐鼓陳師鞠旅

不聞絃歌目不知書不害為智邇來生聚教養起居祖

習一出於軍容今幸天子憐許民為擇賢侯此人人思

治之時也公曰諾吾當先後之於是元年脩戎律以通

衆志次年成郡政以蠲民瘼

瘼病也小雅四篇亂離瘼矣

季年崇教

本以厚民風我言既從乃卜新宮瀍水之瀕

瀍水出河南密縣東

入頽音亦

城池在東登登其杵坎坎其斧繩之墨之鑿枘

枝梧小柱為枝大柱為梧

載塗載負

塗巧抹也負文米明衆貌檀弓輪哉負哉

黜焉陵

臣杜訥曰宣聖廟碑文獨能新湛無一浮濶語是其筆致高雋

虛

黝微青黑色凌虛狀其高

寢廟弘敞齋宮嚴闕軒墀廡儼雅清

潔門庭墻仞望之生敬外飭觚稜中設黼幄嚮明當宇

易說卦聖人南面而聽天下嚮明而治曲禮天子當宇而立注門內屏外用王禮也堯頭禹

身

史孔子世家其頽似堯自腰以下不及禹三寸

華冠象佩之容取之自鄒魯

謂曲阜仲尼廟堂

及門覩真

真室西南隅覩真謂升堂入室者

偶形畫像之儀

取之自太學宗彝遵豆

尚書孔傳宗廟彝樽以山龍華蟲為飾

青黃規矩

之器秉周禮也犧牲制幣薦獻升降之節遵國章也藏

經於重檐斂器於虛櫝講筵有位鼓篋有室

學記入學鼓篋遜其



業也注擊鼓以名學士至則發篋中書籍等物

授經有博士督課有助教指蹤

有役夫洒掃有廟幹

幹能事者之稱

公又割隙地為廣圃

隙音乞

蒔其柔蔬而常蒞旨蓄之御備捨已俸為子錢權其孳

羸

權集作權

而鹽酪釭膏之用給濟濟莘莘化行風驅家慕

恭儉戶知敬讓父誨其子兄規其弟不遊學堂與撻市

同錄是縻勇爵戴鵲冠者

縻係總也鵲冠武人之冠

往往弭雄姿而

觀習禮義矜甲冑者知根於忠信服縵胡者不敢侮縫

掖

莊子曼胡之纓注粗纓無文理者縫掖儒服

教化之移人也如置郵焉冬

十一月許人以新儒宮成來告且乞辭欲行乎遠也公

名侬字永裕故丞相岐國公之孫

岐國公杜佑也侬以蔭三遷太子司議郎

元和九年選尚公主

岐公弼諧二帝

德宗憲宗

碩學冠天下嘗著書二

百餘篇言禮樂刑政古今損益統名曰通典藏在石室

開元間劉秩撰政典佑以為條目未盡因而廣之成二百卷以獻命藏書府

副行人間今孝

孫聿脩形乎事業播於聲詩懿哉能世其家也禹錫昔

年忝岐公門下生四參公府

本傳杜佑表禹錫管書記入為監察御史

近年

牧汝州道許昌躬閱其數故不得讓遂銘於麗牲之碑

古之宗廟立碑以繫牲此碑所由始銘曰

許介韓魏四征之地兵興已還其鬪嘖嘖

嘖嘖爭貌音顏

亦

有儒宮軋於兵間賢侯戾止思樂泮水

魯頌泮水之詩戾止來至也

俾人嚮學王化之始便地爰相新規鬱起廟貌斯嚴堂

皇有煒秩秩禮物祁祁胄子入於門牆如造闕里春詠

夏絃載颺淑聲風於閭閻浹於郊垌途讓班白家尊父

兄與化而遷其猶性成昔之委巷相詬交侮今逢親戚

不道媒語昔之連營誇力使酒今遇賓客斂容拱手魯

有泮林鳥革其音

魯頌泮水篇翩彼飛鵒集於泮林懷我好音

許崇學校民

悅其教鐫於圭石以志新廟

李翱

字習之趙郡人德宗貞元中登進士第授校書郎憲宗元和初轉國子博士史館修撰忤

宰相李逢吉出為廬州刺史文宗太和初入為諫議大夫尋知制誥卒謚文公

論事疏

用忠正

臣聞國之所以興者主能信任大臣臣能以忠正輔主故忠正者百行之宗也大臣忠正則小臣莫敢不為正

大臣忠正小臣莫敢為不正千古名言

臣熙曰唐自淮  
西既平朝廷專  
意姑息羣臣各  
立朋黨藩鎮爭  
以貢獻為名百  
姓愁苦錢貨重  
而救帑輕故李  
翱言及之四疏  
切實不浮深中  
時弊

矣小臣莫敢不為正則天下後進之士皆樂忠正之道

矣後進之士皆樂行忠正之道是王化之本太平之事

也今之語者必曰知人邪正是堯舜之所難也

皋陶謨  
惟帝其

難之知人則  
哲能官人

焉得知忠正之人而用之耶臣以為察忠

正之人蓋有術焉能盡言憂國而不希恩容者此忠正

之徒也夫忠正之人亦各自有黨類邪臣嫉而讒之必

矣且以為相朋黨矣夫舜禹稷契之相稱贊也不為朋

顏閔之相往來也不為黨皆在於講道德仁義而已邪

臣廷敬曰首揭  
治本而以盡言  
不希恩澤訪求  
忠正亦觀人之  
善法也其論朋  
黨處語不多而  
得要上衍劉向  
之緒下開歐陽  
之端

人嫉而讒之且以為朋黨用以惑時主之聽從古以來

皆有之矣故蕭望之周堪劉向謀退許史

車騎將軍史  
高侍中許章

竟為邪臣所勝

邪臣謂史高許章弘  
恭石顯鄭朋華龍也

漢元帝不能辯而

終任用邪臣漢室之衰始於元帝此不可不察也故聽

其言能數逆於耳者忠正之臣也雖任之雜以邪佞之

臣則太平必不能成矣文宣王曰十室之邑必有忠信

如丘者焉故忠信之人不難有也在陛下辨而用之各

以類進之而已臣故曰用忠正而不疑則功德成

鋪叙之文自爾詳盡

屏姦佞

臣聞孔之遠佞人言不可以共為國也凡自古姦佞之人可辯也皆不知大體不懷遠慮務於利己貪富貴固榮寵而已矣必好甘言諂辭以希人主之欲主之所貴因而賢之主之所怒因而罪之主好利則獻蓄聚斂剝之計主好聲色則開妖艷鄭衛之路主好神仙則通燒鍊變化之術望主之色希主之意順主之言而奉承之人主悅其不違於己因而親之以至於事失怨生而不

聞也若事失怨生而不聞其危也深矣自古奸邪之人  
未有不如此者也然則雖堯舜為君稷契為臣而雜之  
以奸邪之人則太平必不可興而危事潛生矣所謂奸

邪之臣者榮夷公

周厲王卿士專利而敗周室厲王流於彘

費無極

楚平王時為太

子少傅讒太子建伍奢為明之無極

太宰嚭

太宰嚭受越賂勸夫

使王執奢其子員奔吳基入郢之禍

王子蘭

楚懷王稚子秦昭王欲與懷王會屈平諫子蘭

差赦勾踐讒子胥而賜之死後越竟滅吳誅詬

勸王行懷王卒客死於秦項襄王立子蘭為令尹又與上官大夫短屈平於頃襄王遷之江南楚日削以亡

張禹

王



羽翼賣許敬宗

勸高宗立武后逐韓瑗來濟

李義府宗高

時上表請廢后立武昭儀未幾為相柔而害物人謂之李猫

李林甫

明皇相媚事左右迎合上意以

固寵排逐賢相杜絕言路以其奸人謂其口蜜腹劍

盧杞

德宗相有口才為相未半載逐楊炎貶杜

佑陷顏真卿引裴延齡用趙贊括富商間架陌錢召怨生亂皆杞為之

裴延齡

延齡領度支以撝冠

臣廷敬曰所言質直不為曲說

庖辭而讀之不恒易盡氣格古

也蓋每事抒寫詞取達意其體

固應爾爾

國小則壞法度而亂生矣今之語者必曰知人邪正是堯舜之所難也焉得知其邪佞而去之耶臣以為察奸佞之人亦有術焉主之所欲皆順不違又從而承奉先

明白曉暢

後之者此奸佞之臣也不去之雖用稷契為相不能以致太平矣故人主之任奸佞則耳目壅蔽耳目壅蔽則過不聞而忠正不進矣臣故曰屏奸佞而不進則視聽聰明

### 改稅法

臣以為自建中元年初定兩稅德宗初立以楊炎為相作兩稅法夏稅盡六月

秋稅盡十一月至今四十年矣當時絹一匹為錢四千米一斗

為錢二百稅戶之輸十千者為絹二匹半而足矣今稅

臣建敬曰古時  
田賦皆以穀帛  
而漢帝時以  
穀帛乃封錢以  
布帛為租則自  
漢以來錢帛蓋  
嘗迭用矣唐初  
行租庸調其法

額如故而粟帛日賤錢益加重絹一匹價不過八百米  
一斗不過五十稅糧之輸十千者為絹十有二匹然後  
可況又督其錢使之賤賣者耶假令官雜虛估以受之  
文獻通考憲宗時貨輕錢重凡留州送使所在長史又  
降省估使就實估以自封殖而重賦於人至裴垕為相  
奏請天下留州送使  
物一切令就省估尚猶為絹八匹乃僅可滿十千之  
數是為比建中之初為稅加三倍矣雖明詔屢下哀恤  
元元不改其法終無所救然物極宜變正當斯時推本  
弊乃錢重而督之於百姓之所生也錢者官司所鑄粟

甚善亦實未嘗  
有錢也至大歷  
中戶盡輸錢楊  
炎作兩稅法踵  
而行之期為此  
疏蓋欲復古制  
以蘇農困也

帛者農之所出今乃使農人賤賣粟帛易錢入官是豈  
非顛倒而取其無者耶由是豪家大商皆多積錢以遂  
輕重故農人日困末業日增一年水旱百姓菜色家無  
滿歲之食況有三年之蓄乎百姓無三年之積而望太  
平之興亦未有也今若詔天下不問遠近一切令不督  
見錢皆納布帛凡官司出納以布帛為準幅廣不得過  
一尺九寸長不過四十尺比兩稅之初猶為重加一尺  
然百姓自重得輕必樂而易輸不敢復望如建中之初

矣行之三五年臣必知農人漸有蓄積雖遇一年水旱  
未有菜色父母夫婦能相保矣若稅法如舊不速更改  
雖后稷神農復生教人耕織勤不失時亦不能躋於充  
足矣臣故曰改稅法不督錢而納布帛則百姓足

### 絕進獻

論財貨從出之源  
洞中情事文復英

真切摯

臣以為自建中以來稅法不更百姓之困已備於前篇  
矣今節度觀察使之進獻

德宗時江西節度李兼有月進西川節度韋臯有日進裴

肅始以刺史進奉自常州遷浙西觀察嚴綬始以幕僚進奉自宣歙判官名為刑部員外郎而人爭進獻以為

常矣必曰軍府羨餘不取於百姓且供軍及留州錢各有

定額若非兵士闕數不填及減刻所給則錢帛非天之所雨也非如泉之可涌而生也不取於百姓將安取之哉故有作官店以居商賈者有釀酒而官沽者其他雜

率巧設名號是皆奪百姓之利虧三代之法公託進獻因得自成其私甚非太平之事也比年天下皆厚留度

支錢蓄兵士者以中原之有寇賊也今吳元濟李師道

皆梟斬矣中原無虞

憲宗元和十二年擒吳元濟淮西平十四年斬李師道淄青平

而

蓄兵如故以耗百姓臣以為非是也若選達吏事之臣  
三五人往諸道與其節度使團練使言每道要留兵數  
以備鎮守責其兵士見在實數因使其逃亡不補自可  
以每年十銷一矣告之以中原無事蕃夷可虞每道宜  
配兵若干人取其衣糧以賜邊兵而召戰士使邊兵實  
則蕃夷不足慮也夫錢帛皆國家之錢帛也宜作明法  
以取之是也若使通達吏事之臣往使焉雖其將帥之  
不誠盡者亦不敢有所隱矣今受進獻

憲宗元和四年  
三月以李絳居

惕厲其詞可以警  
學

易言絕進奉四月密諭諸道  
進奉無申御史臺故朝云云則節度使團練使皆多方  
刻下為蓄聚其自為私者三分其所進獻者一分也是  
豈非兩稅之外又加稅焉百姓之所不樂其業而父子  
夫婦或有不能相養矣父子夫婦不能相養而望太平  
之興雖婦人女子皆知其未可也臣故曰絕進獻以寬  
百姓稅租之重則下不困

### 復性書

晝而作夕而休者凡人也作乎非作者也與物皆作休



乎非休者也與物皆休吾則不類於凡人晝無所作夕

無所休作非吾作也作有物休非吾休也休有物作邪

休邪二皆離而不存予之所存者終不亡且離矣

乾三爻君

子終日乾乾夕惕若大傳曰通乎晝夜之道而知誠能

言有教動有法晝有為宵有得息有養瞬有存則作也

休也所存者終人之不力於道也昏不思也

洪範曰思不亡且離矣曰睿睿作

聖孟子曰心之官則思思則得之不思則不得也

天地之間萬物生焉人之於

萬物一物也其所以異於鳥獸蟲魚者豈非道德之性

全乎哉受一氣而成形一為物而一為人得之甚難也

臣乾學曰性命之旨孔孟沒而漸消至周程始能歸之於正習之滅情復性雖見馭於宋儒非能以性善為說已進乎其師三品之解矣

生乎世又非深長之年也以非深長之年行甚難得之

身而不專專於大道肆其心之所為其所以自異於禽

獸蟲魚者亡矣

孟子平旦之氣旦晝梏亡則夜氣不足以存而違禽獸不遠矣

昏而不

思其昏也終不明矣吾之生二十有九年矣思十九年

時如朝日也思九年時亦如朝日也人之受命其長者

不過七十八十年九十百年者則稀矣當百年之時而

眊乎九十年時也與吾此日之思於前也遠近其能大

相懸邪其又能遠於朝日之時邪

莊周曰人生世間猶白駒之過隙故能聞

道即顏回之年非天也不能聞道雖彭聃之年非壽也

然則人之生也雖享百年

若雷電之驚相激也若風之飄而旋也可知矣况千百

人而無一及百年之年哉故吾之終日志於道德猶懼

未及也彼肆其心之所為者獨何人邪

按翹復性書有三篇今錄末篇

而以首篇附著於後其言曰人之所以為聖人者性也  
人之所以惑其性者情也喜怒哀懼愛惡欲七者皆情  
所為也情既昏性斯匿矣非性之過也七者循環而交  
來故性不能充也水之渾也其流不清火之煙也其光  
不明非水火清明之過沙不渾流斯清矣煙不鬱光斯  
明矣情不作性斯充矣性者天之命也聖人得之而不  
惑者也聖人者豈其無情耶聖人者寂然不動不往而  
到不言而神不耀而光制作參乎天地變化合乎陰陽

雖有情也。未嘗有情也。然則百姓者，豈其無性耶？百姓之性，與聖人之性，弗差也。雖然，情之所昏，交相攻，未始有窮。故雖終身而不自覩其性焉。火之潛於山石，林木之中，非不火也。江、淮、河、濟之未流，而泉於山，非不水也。石弗敲，木不磨，則不能燒其山林，而燥萬物。泉之源，弗疏，則弗能為江、為河、為濟、為淮、為東、為滙、為大壑、浩浩湯湯，為弗測之深情。之動靜，弗息，則弗能復其性。而燭天地為不極之明，是故誠者，聖人之性也。寂然不動，廣大清明，照乎天地，感而遂通天下之故。行止語言，無不處於極也。復其性者，賢人循之，而不已者也。不已，則能歸其源矣。聖人知人之性，皆善，可以循之，其不息而至於聖也。故制禮以節之，作樂以和之，安於仁樂之本也。動而中禮之本也。故在車則聞和鸞之聲，行步則聞佩玉之音。無故不廢琴瑟，視聽言行，循禮法而動，所以教人忘嗜慾而歸性命之道也。道者，至誠而不息也。至誠而不息，則虛虛而不息，則明明而不息，則照。照天地而無遺，非他

也此盡性命之道也哀哉人人可以及於此莫之止而不為也不亦惑耶○真德秀云翔書二篇皆論滅情復性之道然中庸有曰喜怒哀樂之未發謂之中發而中節謂之和是喜怒哀樂欲其中節而已未嘗以為可無也孟子以惻隱羞惡辭遜是非為四端正欲人擴而充之未嘗以為可滅也又曰乃若其情則可以為善矣乃所以為善也孟子因情之善而知性之本善蓋因其所發而知其本體也以為邪妄而欲滅之可乎故程正公曰性為本情是性之動處情又幾善惡而論顏子之學則謂覺者約其情使合於中亦不以為可滅也朱文公亦曰李翱論復性則是滅情以復性則非情如何可滅此釋氏之說陷於其中而不知獨末篇之言可以警學者故錄焉

# 平賦書序

孔子曰道千乘之國敬事而信節用而愛人使民以時

孟子曰欲輕之於堯舜之道大貉小貉也欲重之於堯

舜之道大桀小桀也是以什一之道公私皆足人既富

然後可以服教化反淳朴古之聖賢未有不善於為政

理人而能光於後代者也故善政者莫大於理人理人

者莫大於既富之又教之凡人之情莫不欲富足而惡

貧窮四人之苦者莫甚於農人

四人即士農工商四民

麥粟布帛

農人之所生也歲大豐農人猶不能足衣食如有水旱

項山丘濬曰李  
翱作平賦書蓋  
憫當時之賦不  
平也賦所以不  
平者蓋以其制  
民產者無法歛  
民財者無藝也  
既無制民之產  
之法而歛之又  
不以其道則民  
貧矣民貧則君  
安能獨富哉其

之災則農人先受其害有若曰百姓不足君孰與足夫  
如是百姓之視其長上如仇讐安既不得享其利危又  
焉肯盡其力自古之所以危亡未有不由此者也人皆  
知重斂之可以得財而不知輕斂之得財愈多何也重  
斂則人貧人貧則流者不歸而天下之人不來由是土  
地雖大有荒而不耕雖耕之而地力有所遺人日益困  
財日益匱是謂棄天之時遺地之利竭人之財如此者  
雖欲為社稷之臣建不朽之功誅暴逆而威四夷

憲宗  
元和

所謂人皆知重  
斂之可以得財  
而不知輕斂之  
得財愈多其言  
尤為警切

間削平藩鎮破吐蕃每  
憂國用不足故朝云然

徒有其心豈可得邪故輕斂則

人樂其生樂其生則居者不流而流者日來居者不流

流者日來則土地無荒桑柘日繁

柘桑屬葉  
可飼蠶

盡力耕之

地無餘利人日益富兵日益強四隣之人歸之如父母

雖欲驅而去之其可得邪是以與之安而居則富而可

教與之危而守則人皆自固孟軻所謂率其子弟攻其

父母自有生人以來未有能濟者也嗚呼仁義之道章

章然如大道焉人莫不知之然皆不能行何也見之有



所未盡而又有嗜欲以害之

憲宗元和末稍驕侈戶部侍郎皇甫鏐以聚斂得幸

同平章事故朝云然

其自任太多而任人太寡是以有土地者無

代無之雖莫不知之然而未有一人能行之而功及於

後代者由此道也秦滅古法墮井田而夏殷周之道廢

相承滋久不可卒復

秦孝公用商鞅廢井田開阡陌漢武帝時董仲舒說上曰井田法雖

難猝行宜少近古限民名田塞兼并之路唐初授田之制成丁者人一頃十畝為口分二十畝為世業天寶之

後法所不行

翱是以取可行於當時者為平賦書

馬端臨曰隨田之在

民者稅之而不復問其多寡始於商鞅隨民之有田者稅之而不復視其下中始於楊炎三代井田之良法壞

洮清辯雋利可  
喜

於鞅唐租庸調之法壞於炎又按德宗貞元間歲事豐稔上因畋問民趙光奇曰百姓樂乎曰不樂前云兩稅之外悉無他徭今非稅而誅求者殆過於稅詔書優卹徒空文耳是兩稅之法亦壞矣此平賦書所由作也而什一之法存焉庶幾乎有能行之者云爾

### 上宰相書

此宰相乃  
崔羣也

凡居上位之人皆勇於進而懦於退但見已道之行不見已道之塞日度一日以至於黜退奄至而終不能先自為謀者前後皆是也閣下居位三年矣

按通鑑元和十二年七月

以戶部侍郎崔羣為中書侍郎  
同年章事至此乃十四年也

其所合於人情者不少

其所乘於物議者亦已多矣姦邪登用而不知知而不

能去

時度支使皇甫鏞以聚斂得幸憲宗用以為相

柳泌為刺史疏而不止

正宗

卿李道古以貪暴恐得罪因皇甫鏞薦山人柳泌能合長生藥泌言天台山多靈草願得為彼長吏以求之上

以泌權知台州刺史

韓潮州直諫貶責諍而不得

元和十四年正

月上命中使迎佛骨於鳳翔韓愈上表諫貶潮州刺史

道路之人咸曰焉用彼相

矣閣下尚自恕以為猶可以輔政太平雖枉尺猶能直

尋較吾所得者不啻補其所失何足遽自為去就也切

怪閣下能容忍亦已甚矣昨日來高枕不寐靜為閣下

子相宗臣曰文  
情婉轉氣宇輕  
逸諷諭之詞有  
甚於怒罵

思之豈有宰相上三疏而止一邪人而終不信

按本傳皇甫鏘

陰結權倖以求宰相崔羣屢疏其邪奸常因面對及開元天寶事羣曰用姚崇宋璟張九齡則理用李林甫楊國忠則亂用人得失所係非小

詞意激切而憲宗終用鏘為相

閣下天資畏慎又不能

顯辯其事忍耻署勅內愧私歎又將自恕曰吾道尚行

吾言尚信我果為賢相矣我若引退則誰能輔太平邪

是又不可之甚也當貞觀之初房杜為相

房喬杜如晦

以為

非房杜則不可也開元之初姚宋為相

姚崇宋璟

以為非姚

宋則不可也房杜姚宋之不為相亦以久矣中書未嘗

鹿門茅坤曰明  
珠九曲心腕俱  
靈

無宰相然則果何必於房杜姚宋况道不行雖臯陶伊  
尹將何為也房杜姚宋誠賢也若道不行言不信其心  
所為賢者終不敢進其心所為邪者終不敢不薦而許  
敬宗李義府同列用事言信道行又自度智力必不足  
以排之矣則將自引而止乎將坐而待黜退乎尚自恕  
苟安於位乎以閣下之明度之當可知矣凡慮已事則  
不明斷他人事則明已私而他人公勇易斷也承閣下  
厚知受獎擢者不少能受閣下德而獻盡言者未必多

行己之道為學之方是書約畧盡之而其叙文章源流正變處尤為詳確

人幸蒙以國士見目十五年餘矣但欲自竭其分耳聽與怪在閣下裁之而已

羣不能用竟為縛所搆出為湖南觀察都團練使

### 答進士朱載言書

某頓首足下不以某卑賤無所可乃陳詞屈慮先我以書且曰余之藝及心不能棄於時將求知者問誰則可皆告曰其李君乎告足下者過也足下因而信之又過也果若來陳雖道備德具且猶不足辱厚命況如某者多病少學其能以此堪足下所望博大而深宏者耶雖

然盛意不可以不答故敢略陳其所聞蓋行已莫如恭  
自責莫如厚接衆莫如弘用心莫如直進道莫如勇受  
益莫如擇友好學莫如改過此聞之於師者也相人之  
術有三迫之以利而審其邪正設之以事而察其厚薄  
問之以謀而觀其智與不才賢不肖分矣此聞之於友  
者也列天地立君臣親父子別夫婦明長幼泯朋友六  
經之旨也浩乎若江海高乎若丘山赫乎若日火包乎  
若天地掇章稱詠

掇採也。  
都奪切。

津潤怪麗六經之詞也創

臣英曰言文章  
以大經為淵源  
以諸子為支流  
設辨立論不拘  
一轍可謂博而  
該矣

意造言皆不相師

莊周曰詩以道志書以道事禮以道行樂以道和易以道陰陽春秋以道

名分故其讀春秋也如未嘗有詩其讀詩也如未嘗有易

其讀易也如未嘗有書其讀屈原莊周也如未嘗有六

經故義深則意遠意遠則理辯理辯則氣直氣直則辭

盛辭盛則文工如山有恒華嵩衡焉

北嶽恒山西嶽華山中嶽嵩山南嶽

衡山其同者高也其草木之榮不必均也如瀆有淮濟河

江焉

禹貢導淮自桐柏導沅水東流為濟導河積石岷山導江此四瀆也皆獨入於海者也

其同

者出源到海也其曲直淺深色黃白不必均也如百品



之雜焉

天官內苑掌王及后世子膳羞之  
割烹煎和之事辨百品味之物

其同者飽於

腹也其味鹹酸苦辛不必均也此因學而知者也此創  
意之大歸也天下之語文章有六說焉其尚異者則曰  
文章辭句奇險而已其好理者則曰文章叙意苟通而  
已其溺於時者則曰文章必當對其病於時者則曰文  
章不當對其愛難者則曰文章宜深不當易其愛易者  
則曰文章宜通不當難此皆情有所偏滯而不流未識  
文章之所主也義不主於理言不在於教勸而詞句怪

臣士奇曰文以性靈獨至為主乃異於鑿枘為工者習之立論推本情性根柢六經可謂豪傑之士斯亦繼昌黎而起者

麗者有之矣劇秦美新

揚雄著

王褒僮約是也其理往往

有是者而詞章不能工者有之矣劉氏人物志

劉劭著

王

氏中說

王通著

俗傳太公家教是也古之人能極於工而

已不知其詞之對與否易與難也詩曰憂心悄悄愠于

羣小

邛風柏舟篇刺頃公之時仁人不過小人在側也悄悄憂貌愠怒也羣小衆小人在君側者

此

非對也又曰邁閔既多

閔病也

受侮不少此非不對也書

曰朕聖讒說殄行震驚朕師

虞書帝舜命龍之詞聖疾殄絕震動也

詩曰

芟彼桑柔其下侯甸將采其劉瘼此下人

大雅桑柔篇芮伯刺厲王

也苑茂貌桑葉柔濡人庇其下者此非易也書曰允恭均得其所劉燦燦而希也瘼病也

克讓光被四表格于上下

堯典史臣贊堯之詞

詩曰十畝之間兮

桑者間間兮行與子還兮

魏風十畝之間之篇

此非難也學者不

知其方而稱說云云如前所稱者非吾之敢聞也六經

之後百家之言興老聃

李耳著道德經五千言

列禦寇

著列子八篇唐時號

冲虛莊周

著莊子內外篇唐時號南華真經

鶡冠

楚人居深山以鶡冠為冠著書一篇因以

名田穰苴

著司馬法

孫武

著孫子十三篇

屈原

著離騷九歌九章卜居漁父等篇

宋

玉

著九辯招魂高唐神女等賦

孟軻

著孟子七篇

吳起

著吳子三卷言兵

商鞅

著商

子五卷刑

墨翟

著墨子十五篇

鬼谷子

著鬼谷子三卷言捭闔之術

荀况

著荀

子十卷韓非

著韓子二十卷刑名法術之學

李斯

有諫逐客書上督責書

賈誼

著新書十

卷

枚乘

有諫吳王書二篇賦九篇

司馬遷

著史記一百三十卷

相如

著子虛大人賦論巴

蜀檄難蜀父老諫獵封禪等書

劉向

著新序十卷說苑二十卷

揚雄

著法言十二卷太玄經十卷

皆足以自成一家之文學者之所師歸也故義雖深理

雖當詞不工者不成為文宜不能傳也文理義三者兼

并乃能獨立於一時而不泯滅於後代能必傳也仲尼

曰言之無文行之不遠子貢曰文猶質也質猶文也虎

豹之孽猶犬羊之孽此之謂也

楊烈婦傳

建中四年

建中德宗年號

李希烈陷汴州

代宗大歷十四年汴宋將李希烈逐其帥

摹寫情事有聲有色  
末作斷語亦自詳整

李忠臣詔以希烈為蔡州刺史淮西節度留後令滑毫節度李勉領汴州德宗即位改淮西節度淮寧軍以寵

之建中三年秋詔李希烈討李納希烈潛與交通四年秋希烈圍東畿帥哥舒曜於襄城十一月陷襄城乘勝

攻陷汴州李勉奔宋州

既又將盜陳州分其兵數千人抵項城縣

蓋將掠其玉帛俘累其男女以會於陳州縣令李侶

侶與

侃不知所為其妻楊氏曰君縣令也寇至當守力不足

臣杜訥曰奉畫  
烈婦守項事英  
氣逼人善學史  
遷諸傳始能有

死焉職也君如逃則誰守侶曰兵與財皆無將若何楊氏曰如不守縣為賊所得矣倉廩皆其積也府庫皆其財也百姓皆其戰士也國家何有奪賊之財而食其食重賞以合死士其必濟於是召胥吏百姓於庭楊氏言曰縣令誠主也雖然歲滿罷去非若吏人百姓然吏人百姓邑人也墳墓在焉宜相與致死以守其節忍失其貞而為賊之人耶衆皆泣許之乃徇曰以瓦石中賊者與之千錢以刀矢兵刃之物中賊者與之萬錢得數百

人侶率之以乘城楊氏親為之爨以食之無少長必周

而均侶使與賊言曰項城父老義不為賊矣皆悉力死

守得我城不足以威不如亟去徒失利無為也賊皆笑

有蜚箭集於侶

蜚古飛字

侶傷而歸楊氏責之曰君不在則

誰人肯固矣與其死於城不猶愈於家乎侶遂忍之復

登陴

陴城上女牆

項城小邑無長戟勁弩高城深溝之固賊

氣吞焉率其徒將從趨城而下有以弱弓射者

孔鮒曰楚王張

繁弱之弓楚

中其帥墮馬死其帥希烈之壻也賊失勢

相與散去項城之人無傷焉刺史上侃之功詔遷絳州

太平縣令楊氏至茲猶存婦人女子之奉父母舅姑盡

恭順和於娣姒

也妯娌

於卑幼有慈愛而能不失其貞者

則賢矣辯行止明攻守勇烈之道公卿大臣之所難厥

自兵興朝廷寵旌守禦之臣憑堅城深池之險儲蓄山

積貨財自若冠冑服甲弓矢而馳者不知幾人其勇不

能以守其忠不能以死棄其城而走者有矣彼何人哉

若楊氏者婦人也孔子曰仁者必有勇楊氏當之矣



于大處發論局陣  
奇展波瀾空濶

高愍女碑

卷三十八

愍女姓高妹妹名也生七歲當建中二年父彥昭以濮

陽歸天子前此者有質妹妹與其母兄者使彥昭守濮

陽

使彥昭守濮陽者乃平盧節度使李正已也時李正已謀不軌於建中二年六月死其子納秘之檀領其

衆八月始發喪奏請襲父位上不許濮陽本屬平盧軍彥昭乃以歸天子也

及彥昭以城歸

妹妹與其母兄皆死其母李氏也將死憐妹妹之幼無

辜請獨免其死而以為婢衆皆許之妹妹不欲曰生而

受辱不如死母兄皆不免何獨生為其母與兄將被刑

臣乾學曰摹次  
愍女從容慷慨  
雲真得昌黎之  
髓

咸拜於四方妹妹獨曰我家為忠宗族誅夷四方神祇  
尚何知問其父所在之方西嚮哭再拜遂就死明年太  
常謚之曰愍當此之時天下之為父母者莫不欲愍女  
之為子也天下之為夫者莫不欲愍女之為室家也天  
下之為女與妻者聞之莫不欲愍女之行在身也昔者

曹娥思盱自沈於江

曹娥上虞人其父盱死於江娥因投江尋父屍抱屍而出太守度尚

祀之令邯鄲

獄吏嗔囚章女悲號

漢書王章為王鳳所構下獄妻子皆收繫

淳為碑文

章小女年十二夜起號哭曰平生獄上呼曰數帝至九  
今八而止我君素剛先死者必君明日問之章果死

思言其兄作詩載馳

廊風載馳之詩許穆夫人作也衛懿公為狄所滅戴公露於漕邑夫

人思言其兄又義不得歸故賦是詩

緹縈上書乃除肉刑

史記淳于意當刑少女緹縈上

書願入身為官婢以贖父刑漢文帝悲其意為除肉刑

彼四女者或孝或智或義

或仁噫此愍女厥生七年天生其智四女不備向遂推

而布之於天下其誰不從而化焉雖有逆子必改行雖

有悍妻必易心賞一女而天下勸亦王化之大端也異

哉愍女之行而不家聞戶知也貞元十三年朝在汴州

彥昭時為潁州刺史昌黎韓愈始為余言余既悲而嘉

語語出於忠款絕  
無將詞

之於是作高愍女碑

田弘正

本名興字安道平州盧龍人田季安時為  
衙內兵馬使季安死弘正舉六州版籍請

命於朝憲宗嘉之詔檢校工部尚書充魏  
博節度使賜名弘正卒贈太尉謚曰忠愍

謝賜節鉞表

臣聞君臣父子是為大倫爰立紀綱以正上下其或子  
不為子臣不為臣覆載莫可得容幽冥所宜共殛臣家  
本邊塞累代唐人從乃祖乃父以來沐文子文孫之化

周書立政篇繼自今文子  
文孫注言文王之子孫

臣幸因宗族早列偏裨

弘正  
少習

高脩方岳貢曰  
弘正生於亂族  
獨為純臣諸其  
表文真義士擊  
節山人奪氣惜  
平功不遂其志  
也

儒書頗通兵法善騎射勇而有禮  
伯父承嗣愛重之季安時為衙將驅馳戎馬之鄉不覩

朝廷之禮惟忠與孝天與臣心常思奮不顧生以身殉

國無由上達私自感傷豈意命偶昌時事緣難故白丹

之下謬見推崇季安卒衙兵推弘正為主弘正拒闕不出衆呼噪不已天慈遽臨

免書罪累朝章薦及仍委旂旄故事節度使卒而請代每遣中使宣慰以觀其

變使還而議之憲宗聽宰相李絳言中使未還而竟以弘正為魏博節度使授節鉞錫封壤於全

藩列班榮於八座時加弘正銀青光祿大夫檢校工部尚書上柱國沂國公君父之

恩已極絲毛之效未申但以覲冒知羞小雅何人斯篇有覲面目○覲

臣熙曰美秀而  
文唐表中以意  
勝者歸命語字  
字出於肺腑自  
可格天貫日

天上聲低徊自懼是知功榮所著必俟危亂之時徼倖之

來却在清平之日循涯揣分以寵為憂伏自天寶已還

幽陵肇亂

安祿山反於幽燕

山東與壤悉化戎墟外撫軍士內

懷梟獍官封代襲刑賞自專國家舍垢匿瑕垂六十年

臣每思此事當食忘餐若稍假天年得奉宸算兼弱攻

昧

商書仲虺之誥篇

批亢擣虛

孫臏語批擊也亢高也擣衝也救關者乘高而擊之因虛而擣

之其闔自解矣

竭鷹犬之資展獲禽之用導揚和氣洗滌偽風

然後退歸田園以避賢路臣懷此志陛下察之

呂溫

字和叔貞元末擢進士第再遷左拾遺以侍御史副張薦使吐蕃元和元年乃還進戶部

員外郎御史中丞竇羣薦知雜事宰相李吉甫持之不下溫怒因構吉甫坐貶均州刺史再貶

道州徙衡州卒

### 功臣恕死議

昔衛蒯聵以竊國之詐盟其陪臣服冕乘軒三死無與

左傳哀公十五年衛孔圉娶太子蒯聵之姊生慍孔氏之豎渾良夫長而美孔文子卒通于內太子在戚孔姬使之焉太子曰苟使我入獲國服冕乘軒三死無與與之盟近代惑者因為口號於

是乎有功臣恕死之典考諸古訓其異端歟稽諸時事

逐段議論皆以兩意互發字字深備氣體亦道上不羣

其亂本歟何者有國之柄莫大乎刑賞人生有欲不可以不制天討有罪不可以不刑蓋刑者聖人所以佐道德而齊天下者也功濟乎物不可以不賞賞勸乎功不可以不信蓋信者聖人所以一號令而惇天下者也然則恕死之典棄信而廢刑何以言之夫立功者自八元十亂之後非盡能賢或有起屠販壑畝行陣之間乘帝王應天順人之勢用力無幾遂貪天功超騰風雲各得變化率勞怙寵崛強自負僭冒無厭見利忘義是宜崇威峻



卧子陳子龍曰  
八議之典自古  
有之而不著之  
丹書鐵券者良  
有意也

法大為之防而反丹書鐵券許以不死其功大者可以五  
作亂而十犯上孰不以暴為無傷乎且人君之言如渙汗  
不反既與之要天地誓山河卒一旦失馭有黷韓之罪  
神怒人怨不得已而誅是棄信也若恣行兇險隳突憲  
綱或姦鋒將發釁逼宗社乃念斯言之玷忍而不誅是  
廢刑也向者纔得其塵涓之勞螢燭之助而信棄刑廢  
將焉用之使賢而有功驚寵懼滿自居無過之地何怨  
死為使愚而有功小人不幸又告以無死是增驕而啓

奸適所謂賞之禍也雖恕之死其能免乎夫其賢如太公忠如伊尹惟君知臣可以分貳而遽宥以罪死是疑其不終非所以待之以誠而盡君子之心也若乃猶如狗盜庸如黠徒未有罪而先恕之死是不許其慕生庶耻自固名節非所以道之以德而勸小人之善也以爲明君之處勞臣也安之以爵祿拘之以紀律明之以好惡聳之以禍福使得遷善遠罪保勲全名剖符傳慶與國終始恩斯勤斯是亦極矣奈何撓權亂法以罪罷人

墜信賞必罰之典虧昭德塞違之道恐非哲王經邦範物之制也謹議

張荊州畫贊

并序張九齡為相時薦周子諒為監察御史以妄言休咎見殺九齡

坐引非其人左遷荊州大都督府長史

中書令始興文獻公

開元二十二年九齡遷中書令九齡曾祖君政韶州別駕因家於始

興九齡封始興縣伯卒贈荊州大都督諡文獻

有唐鯁亮之臣也開元二十二

年玄宗春秋高矣謂太平自致頗易天下綜覈稍怠推納寢廣若君子小人摩肩於朝直聲遂寢邪氣始勝中

義本嚴正詞復奇  
宏精理內含聲光  
外射

興之業衰焉公於是以生人為身社稷自任抗危言而

無所避秉大節而不可奪小必諫大必諄攀帝檻厯天

階犯雷霆之威不霽不止日月幾蝕為公却明

九齡諫廢三子

斥武惠妃諫以宰相賞張守珪斬突厥

虎而冠之不敢

功諫牛仙客為尚書諤諤有大臣節

猛視

言為強暴所懾服也

羣賢倚賴天下仰望凜凜乎千載之望

矣不虞天將啓幽薊之禍

謂安祿山反於漁陽

俾姦臣乘釁

謂李林甫

以速致戎詐成讒勝

即封牛仙客貶九齡等事

聖不能保護我公衮

寘於侯服

侯服謂貶為荊州長史

身雖遠而諫愈切道既塞而誠

彌堅憂而不怨終老南國於戲功業見乎變而其變有

二在否則通在泰則窮開元初天子新出艱難久憤荒

政

中宗見弒韋后臨朝欲殺相王相王子臨海王隆基勒兵誅韋后相王即位是為睿宗立隆基為太子即

明皇也景雲二年太平公主用事忌太子英武常欲害之時綱紀紊亂復如神龍之世

樂與羣下

勵精致理於是乎有否極之變姚宋坐而乘之舉為時

要動中上意天光照身宇宙在手勢若舟楫相得當洪

流而鼓迅風崇朝千里不足怪也開元末天子倦於勤

而安其安高視穆清霈然大滿於是乎有泰極之變荆

州起而扶之舉為時害動拂上欲日與讒黨抗行於交  
戰之中勢若微陽戰陰衝密雲而吐丹氣歟耀而滅又  
何難乎所痛者逢一時事一聖踐其跡執其柄而有可  
有不可有成有不成况乎差池草茅沈落光耀者復何  
言哉復何言哉曹谿沙門靈徹曹谿在曲江縣有南華寺靈徹其寺僧也雖  
脫離世務而猶存正直携其圖像因以示余觀而感之  
仍作贊曰

唐有棟臣往矣其邈世傳遺像以覺後學德容恢異天

骨峻擢波澄東溟日照泰嶽具瞻崇崇起敬起忠貌與  
神會凜然生風氣蘊逆鱗色形匪躬當時曲直如在胸  
中鯢鱗初脫激海以化莊子北溟有魚其名曰鯢化為鵬言九齡受知明皇時也  
羊角中頽摩天而下莊子鵬搏羊角而上者九萬里羊角旋風也中頽喻九齡罷貶時也  
無喜無愠亦如斯畫嗚呼為臣儆爾夙夜

皇甫湜

字持正睦州新安人擢進士第仕至工部郎中

論進奉書

臣聞一人莫非王臣尺土莫非王有山川林藪之所產

指事切實能發天下為家之義

殖雨露春秋之所成就莫非王財誠宜推至公示無外

今國家既有公府又有私藏

唐制天下財賦皆納左藏庫此公府也大盈內庫乃

私藏也

使州郡貢賦之外進奉相及恐非以天下為家示

天下無私之道也且任土之貢生產有常履畝之收等

籍既定人識所出吏難為奸進奉既無度程莫知紀極

恣橫征發因緣贓私

德宗屬意聚斂常賦之外進奉不絕名為羨餘權臣猾吏因緣為奸

或矯密旨加斂或刻減吏祿或販鬻蔬果往往私自入所進纔什二三無敢問者憲宗朝雖嘗詔絕進奉尋即

如驅陛下赤子措之不存之地侈君之嗜慾惑君之聰



瓊山丘濬曰普  
天之下莫非王  
土凡土所生之  
物何者而非天  
子之物乎有之  
固不足以為誇

明實大奸之門大罪之實也臣雖熟知陛下上聖之資  
深仁之理凡內藏之實以充讌賜非務積藏如四遠未  
知何如百姓受弊何如後嗣平中之主由此而傷儉德  
萌侈心何雖漢有少府水衡莞樞山澤之利終不若領  
之大農也西漢財用之司凡三大司農為官庫少府水衡二者乃天子私藏且地之財  
無盡王之用不會周禮天官膳夫歲終則會惟王及后世子不會何必固之內  
府以開濫闕邪伏望陛下罷內府歸之公藏約別進合  
之古制徵斂有常財用無虧絕奸之根源除政之秕蠹

無之亦不足以  
為歟為萬乘之  
主而欲人之貢  
獻既知其非而  
禁之而又不却  
人主之舉措為  
何如哉

全大體興大和天下大幸伏見正月十一日赦書

文宗開成

元年正月朔帝御宣政殿受賀遂宣  
詔大赦改元湜此書即此年所上也陛下深念疲民懇

責貪吏往之隨使貢來一皆罷之此實白日之明層雲  
之澤也凡諸州府必有羨餘不歸之王庭必沒於私室  
伏請每使當罷必上其數而謹其收水旱之不虞疾疫  
之不期以振罷羸以代蠲免軍旅之事工役之用以給  
其費以供其湏居常之歲閉藏送待無敢散洩而干刑  
司如是則大賴於人大伸於用矣

洞真古岷治有意  
微昌黎而為之者

故吏部侍郎昌黎韓先生墓誌銘 并序

長慶四年八月昌黎韓先生既以疾免吏部侍郎書諭  
湜曰死能令我躬所以不隨世磨滅者惟子以為囑其  
年十二月丙子遂薨明年正月其孤昶使奉功緒之錄

功愈生平行實也緒統系也

繼計以至三月癸酉葬河南河陽

河陽唐屬

懷州實懷慶府河內縣

乃哭而叙銘其墓其詳將揭之於神道碑

云先生諱愈字退之後魏安桓王茂六代孫

本傳愈七世祖茂有

功於後魏封安定王

祖朝散大夫桂州長史諱獻素父秘書郎贈

尚書左僕射諱仲卿

唐書仲卿為武昌令有美政既去縣人刻石頌德終秘書郎

先

生七歲好學言出成文及冠恣為書以傳聖人之道

本傳

其原道原性師說等數十篇皆與行弘深與孟軻揚雄相表裏而佐佑六經

人始未信既發

不掩聲振業光衆方驚爆而萃排之乘危將顛不懈益

張卒大信於天下先生之作無圓無方至是歸工

言不拘一

格而至當不易極其匠心也

扶經之心執聖之權尚友作者跋邪觚

異以扶孔氏存皇之極知與罪非我計茹古涵今無有

端涯渾渾灝灝不可窺校及其酣放豪曲快字凌紙怪

臣鴻緒曰極意  
推崇不為過量  
之言文亦蘇轍  
春麗驚耀天下

發鯨鏗春麗驚耀天下然而果密窈眇章妥句適精能  
之至入神出天嗚呼極矣後人無以加之矣姬氏已來  
一人而已矣始先生以進士三十有一仕歷官其為御

史尚書郎中書舍人前後三貶

本傳為監察御史上疏  
極論宮市德宗大怒貶

山陽令憲宗元和初遷職方員外郎坐柳澗事復為博  
士後累遷中書舍人言平淮西事與執政不合改太子  
右庶子皆以疏陳治事廷議不隨為罪常惋佛老氏法潰

聖人之隄乃唱而築之及為刑部侍郎遂章言憲宗迎  
佛骨非是任為身耻震怒天顏先生處之安然就貶八

臣英曰昌黎生平風烈獨舉其諫佛骨說韓弘使王庭湊數事蓋舉其重且大者此作文之法也詞句古奧奇崛復憂陳言之務去

千里海上

憲宗十四年諫迎佛骨貶潮州刺史

嗚呼古所謂非苟知之亦

允蹈之者耶吳元濟反吏兵久屯無功國涸將疑衆懼

沟沟

通鑑元和九年秋吳少陽卒子元濟反上用李吉甫策以山南東道帥嚴綬合諸道兵討之十年綬

為元濟所敗以汴帥韓弘代之四年不克饋運疲弊宰相李逢吉等皆欲罷兵裴度獨請自往督戰

先生

以右庶子兼御史中丞行軍司馬

通鑑上以裴度為門下侍郎同平章事兼

彰義節度充淮西宣慰使度奏愈為行軍司馬

宰相軍出潼關請先乘遽至汴

感說都統

乘遽即乘傳都統汴帥韓弘也

師乘遂和卒擒元濟王廷湊

反圍牛元翼於深

穆宗長慶元年成德將王廷湊殺田弘正又圍深冀帥牛元翼於深州

救兵十萬望不敢前詔釋庭臣往諭衆慄縮先生勇行  
元稹言於上曰韓愈可惜穆宗悔馳詔無徑入先生曰  
止君之仁死臣之義遂至賊營麾其衆責之賊恇汗伏  
地乃出元翼春秋美臧孫辰告糴於齊以為急病春秋  
莊公  
二十八年冬大無麥禾臧孫  
辰告糴於齊左傳曰禮也校其難易孰為宜褒嗚呼

先生真古所謂大臣者邪還拜京兆尹斂禁軍

通鑑穆  
宗長慶

三年六月以愈為京兆尹六軍不敢犯  
法私相謂曰是尚欲燒佛骨何可犯也帖旱糴醫倖臣  
之銓凡器缺謂之鑿時李紳與愈爭臺參及他職事李  
逢吉奏二人不協以愈為兵部侍郎紳為江西觀

臣士奇曰造語  
險澁而命意則  
歸於醇正力欲  
革指疵之習故  
別成一家言

察使紳愈入謝上令各自叙其事乃深寤復以愈再為  
為吏部侍郎紳為戶部侍郎此倖臣即逢吉也

吏部侍郎薨年五十七贈禮部尚書先生與人洞朗軒

闕不施戟級族姻友舊不自立者必待我然後衣食嫁

娶喪葬

本傳凡內外親交友無後者為嫁遣孤女而卹其家

平居雖寢食未嘗去

書怠以為枕食以飴口講評孜孜以磨諸生恐不完美

游以詼笑嘯歌使皆醉義忘歸

舊唐書愈與洛陽孟郊東郡張籍友善二人名

位未振愈不避寒暑稱薦於公卿而藉終成科第退公  
之隙即相與談讌論文賦詩誘厲後進館之者十六七

雖晨炊不給  
怡然不介意

嗚呼可謂樂易君子鉅人者矣夫人高平



郡君范陽盧氏孤前進士昶聶左拾遺李漢

漢亦為愈門人昌黎文

集乃漢所編聶婚同

集賢較理樊宗懿次女許嫁陳氏三女未笄

銘曰

維天有道在我先生萬頸胥延坐廟以行令望絕邪疇  
此四方惟聖有文垂徽歲千先生起之焯役於前曠義

滂仁

曠引滿也與曠同○忽郭反

耿照充天有如先生而合亘年

亘長

也按我章書經紀大瓌嗟不時施昌極後昆噫嘻永歸

奈知之悲

侃侃發摠最為正  
論兼國家固宜重  
士而士亦宜知所  
以自重如此庶兩  
得之耳

舒元興

江州人元和八年登進士第與李訓善太和九年以御史中丞同平章事訓詐為甘

露降謀伏兵誅中官不克中尉仇士良率兵殺訓及元興等

### 上論貢士書

草茅臣某昧死奏書皇帝陛下聖德脩三代之教盡善  
矣唯貢士一門闕然不脩臣竊以為有司過矣臣為童

子時學讀書見禮經有鄉舉里選

周禮地官鄉大夫三年則大比考其德行

道藝而興賢者能者以禮禮賓之厥明獻賢能之書於王王再拜受之登於天府王制命鄉論秀士升之司徒  
曰選必得其人而貢於上上然後以弓旌束帛招之臣

獻吉李夢陽曰  
楊綰疏云此大  
章於鄭衛六經  
則未嘗開卷三  
史則皆同挂屏  
又薛登云上啓  
陳詩惟希咳唾  
之澤摩頂至踵  
英荷提携之恩  
二說可與此書

年十五既通經無何心中有文竅開則又學之徧觀羣

籍見古人有片善可稱必聞於天子有司天子有司亦

修禮待之不苟臣既學文於古聖人言皆信之謂肖質

待問上國

問聘也儒行儒有席上之珍以待聘

必見上國禮無幾前年臣

年二十三學文成立為州縣察臣臣得備下土貢士之

數

唐制舉選不由館學者謂之鄉貢皆懷牒自列於州縣試已長史以鄉飲酒禮會僚屬陳俎豆備管絃牲

用少牢歌

到闕下月餘待命有司始見貢院懸版樣立

束縛檢約之目勘磨狀書

貢士既至省皆疏名列到結款通保及所居始由戶部集

恭看

閱而關於考功  
員外郎試之

劇責與吏胥等倫臣幸狀書備不被駁

放得引到尚書試試之日見八百人盡手攜脂燭水炭

唐制舉人試日既  
暮許燒燭三條

洎朝晡餐器或荷於肩或提於席為

吏胥縱慢聲大呼其名氏試者突入棘圍重重乃分坐

廡下寒餘雪飛單席在地嗚呼唐虞闢門三代貢士未

有此慢易者也臣見今之天下貢士既如此有司待之

又如此乃益大不信古聖人言及覩今之甲賦律詩令

甲也甲賦猶言律賦也唐  
制進士試以詩賦策論  
皆是偷拆經誥侮聖人之言

臣乾學曰此病  
至今不可革者  
謂苟從寬簡則  
有司因緣滋弊

宰舍此而就彼也然先以不肖待有司而責之得士亦非情理要當漸變之於文教昌明之後也

者乃知非聖人之徒也臣伏見國朝開進士一門苟有登升者皆資之為宰相公侯卿大夫則此門固不難矣凡將為公侯卿相者非賢人君子不可有司坐舉子於寒廡冷地是比僕隸已下非所以見徵賢之意也施棘圍以截遮是疑之賊奸徒黨非所以示忠直之節也試甲賦律詩是待之以雕蟲微藝非所以觀人文化成之道也有司之不知其為弊若此臣恐賢人君子遠去不屑污辱為陛下用且指近陳之今四方貢珠玉金銀有

司則以篋篚皮幣承之貢賢才俊又有司以單席冷地承之是彰陛下輕賢才而重金玉也賢才耻之臣亦耻之臣又見每歲禮部格下天下未有不言察訪行實無頗邪然後上貢苟不如格抵罪舉主臣初見之竊獨心賀謂三代之風必作於今日矣及格既下而法不下是以歲有無藝朋黨譁然扇突不可絕此又惡用格為徒亂人耳又於中程之人數每歲多者固不出三十少或不滿二十此又非天子納士之心也何以言之今日月

臣杜訥曰準情  
協理之言不禁  
纏綿悱惻

出沒皆為陛下內地自漸海流沙朔南周環綿億萬千  
里其間異氣所鍾生英豪俊彥固不少矣若陛下明詔  
必以禮舉之忽一歲之內有百數元凱揚馬之才德者  
來之則有司必曰吾格取二十而黜八十是為求賢邪  
若有司以僕隸待之忽一歲之內負才德來者無十數  
輩則有司必曰吾拔二十是繆收其半徒足滿人數是  
為取才邪取合格邪其不可先定人數亦昭昭矣向之  
數事臣久為陛下疾有司不供職使聖朝取士首科

唐制

科目獨重進士故曰首科

委就地矣臣寒微若此出言不足以定貢

士之得失然百慮之中或幾一得之臣竊欲陛下詔有

司按三代故事明修格文使天下入貢者皆茂行實不

拘人數其不茂行實法與之隨此為澄源源既澄則來

者皆向方矣俾有司加嚴禮待之舉六義試之

唐以詩賦取士

按詩有六義

試之時免自擔荷廊廡之下特設茵榻陳爐火

脂燭設朝脯飯饌則前日之病庶幾其有瘳矣人人知

天子重賢獎士之道勝氣塗漫如此士之立身無不由



正以成之者為士身正公卿正公卿正未有天下不治者天下治而陛下求不垂拱以高揖義軒不可得也苟不如此則士之求名無不由邪以成者為士名邪未有公卿不邪者公卿邪未有天下而治者天下不治而陛下欲不役聖慮而憂黔首不可得也臣雖至愚以此觀之知貢士之道所繫尤重是以願書寫血誠以正此門陛下無以臣迹在貢士中疑臣自謂臣雖不敏竊窺太常一第不為難得何以明之若使臣為今日貢士之體

序昌黎文提道字  
為主詞旨深闕得

事便僻巧佞馳騫闕鍵固臣之力所不能也耻不為也  
故繆以頑才干有司得之固無忝不得則納履而去蹤  
跡巢由以樂陛下熙熙之化何往而無泉石之快哉伏  
惟陛下留神獨聽天下之幸也於臣何幸死罪死罪

李漢

字南紀宗室淮陽王道明之後韓愈子壻少  
師愈元和七年擢進士第長慶末為左拾遺

文宗時李宗閔作相用為知制誥累遷吏部侍  
郎李宗閔得罪罷相漢坐其黨貶汾州司馬

### 韓愈文集序

大者貫道之器也不深於斯道有至焉者不也易繇文

不謂之知言

象春秋書事詩詠歌書禮剔其偽

孔穎達曰安國作書傳值巫蠱不行諸儒

知孔本五十八篇不見孔傳遂有張霸偽作舜典汨作

九共九篇大禹謨益稷五子之歌胤征湯誥咸有一德

典寶伊訓肆命原命武成旅獒同命二十四篇隋經籍

志高唐生傳儀禮十七篇外又有古禮出於淹中又得

司馬穰苴兵法及明堂陰陽孔子三朝記王氏史氏記

合二百十四篇戴德刪其煩重合為八十五篇謂之大

戴記戴聖又刪大戴之書皆深矣乎秦漢已前其氣渾

為四十六篇謂之小戴記

然迨乎司馬遷相如董生揚雄劉向之徒尤所謂傑然

者也至後漢曹魏氣象姜肱司馬氏已來規範蕩恣謂

易已下為古文剽掠僭竊為工耳文與道纂塞固然莫

迂齋樓昉曰退之諸生或為祭文或為行狀淺深疎密居然可見漢乃其壻也故為序之如此

震川歸有光曰  
此文第一節先  
論文不離道第  
二節論聖經之  
深於道第三節  
論秦漢之作  
第四節論後漢  
晉魏之非道第  
五節就入退之  
形容退之大與  
道合第六節論  
退之之確能守

知也先生生於大歷戊申

代宗大歷三年也

幼孤隨兄播遷韶

嶺

本傳愈生三歲而孤隨伯兄會貶官嶺表

兄卒鞠於嫂氏辛勤來歸自知

讀書為文日記數千百言比壯經書通念曉析

通念背誦也曉

析解悟也

酷排釋氏諸史百子皆搜扶無隱汗瀾卓蹕齋泣

澄深詭然而蛟龍翔蔚然而虎鳳躍鏗然而韶鈞鳴日

光玉絜周情孔思千態萬貌卒澤於道德仁義炳如也

洞視萬古愍惻當世遂大拯頽風教人自為時人始而

驚中而笑且排先生志益堅終而翕然隨以定嗚呼先

正見其深於道也

臣鴻緒曰漢受  
知昌黎最深故  
言之親切一道  
字亦得大原

生之於文推陷廓清之功比於武事可謂雄偉不常者  
矣長慶四年冬先生歿門人隴西李漢辱知最厚且親  
遂收拾遺文無所失墜得賦四古詩二十五聯句十一  
律詩一百七十三雜著六十四書啓序八十六哀辭祭  
文三十八碑誌七十六筆硯鱣魚文三表狀四十七總  
七百并目錄合為四十一卷目為昌黎先生集傳於代  
又有注論語十卷傳學者順宗實錄五卷列於史書不  
在集中

敘事中饒有樸茂  
之氣音節近古

歐陽詹

字行周泉州晉江人閩人舉進士自詹始詹為國子監四門助教率其徒伏闕下舉

韓愈博士卒年四十餘崔羣哭之甚愈為詹哀辭自書以遺羣

### 太學張博士講禮記記

說釋典籍謂之講講之為言構也

也構架也合也集也成也也合集訓詁以成講

義猶架屋然

如農之耕田疇焉田疇將植而不實雖耕矣必

耨分其畦壟嘉穀由是乎生典籍將肄以求明雖習矣必講窮其旨趣儒術由是乎成我國家春享先師後更月命太學博士清河張公講禮記成儒術也聖祖三刊

臣乾學曰盛時  
氣象讀之深懷  
古之情

經九公通其六精於五而禮記在其中禮也者御人之

大故首於羣籍而講之東脩既行

唐制國子監生徒各奉束修以見其師長

建肆乃設公就几北坐南面直講抗牘南座北面大司

成端委居於東小司成率屬列於西國子師長序公侯

子孫自其館四門師長序八方俊造自其館廣文師長

序天下秀彥自其館其餘法家墨家書家算家

唐志國子監有

六學一國子學二太學三四門學四律學即法家五書學六算學此又有墨家未詳屬於何學疑是畫家亦屬

於書

輟業以從亦自其館沒階雲來即席鱗居攢弁如

星連襟成帷公先申有禮之本次陳有禮之要正三代

損益得失定百家義疏長短銘乎作者之意注乎學者

之耳河傾於懸

謂懸河之辯也

風落於天清冷灑蕩幽遠無泥

所昧鏡徹於靈臺

靈臺心也

所疑氷釋於心泉後一日聞於

朝百司達官造者半後一日聞於都九城知名造者半

皆尋聲得器虛來實歸予職在下庠六掌有教道不足

訓領徒從公惟始洎終覩公之美敬書盛事記諸屋壁

并列當時執簡握衣者於左偏貞元十四年五月二十



七日記



御選古文淵鑒卷三十八



總校官庶吉士 臣張能照

校對官學正 臣吳垣

謄錄監生 臣劉廷勳